

遼史紀事本末

遼史紀事本末卷十二

貶封資政大夫特賞內閣中書前江西峽江訓導萍鄉李有棠編纂

趙德鈞父子構亂

太宗天顯六年冬十二月丙辰帝遣人以詔賜唐盧

龍節度使趙德鈞德鈞相州人也初仕幽州劉守文

爲軍校攷異薛史云本名宏實幽州人初仕劉守文守文死守光署爲軍校降莊宗累官郡守同

光三年移鎮幽州初賜姓名李紹斌至是始復姓名德鈞宏簡錄云拜盧龍節度封北平郡王在鎮十餘

年有防禦功所載較詳尹洙五代春秋云唐天成三年七月幽州趙德鈞敗遼於府西紀未載劉祁

令蒨縣方輿紀要云漢置屬信都國今景州治顏守

文命德鈞攻之納祁妻种氏并其子子之是曰延壽

少美容貌好書史尙唐明宗女興平公主與石敬瑭
爲僚婿駙馬都尉明宗子秦王從榮恃權跋扈延壽
求補外出爲宣武節度使清泰初加封魯國公進樞
密使移鎮許州攷異冊府元龜云延壽少時有相者
云此官豈止如是耶後必有甲兵大
權位極列土人或語之曰此人妍柔如女子安有是
已而悉驗輿地廣記云許州春秋爲許國秦置潁川
郡東魏改鄭州後周曰許州唐因之復爲潁川郡升
忠武軍梁爲匡國軍今升潁昌府建爲南輔縣七長
社郎城陽程長葛
臨潁舞陽郊縣

七年秋七月壬寅趙德鈞使人來進時果

攷異歐史云距幽州

北有榆關唐時於此置東西狹石紫蒙白狼等戍戍
兵皆有田宅長子孫唐末廢散契丹因陷營平邊苦
寇鈔自德鈞鎮幽州於鹽溝置良鄉縣又於幽州東
築城置戍及破赫連等置三河縣由是幽薊始得耕

牧而餉饋可通德光乃西徙橫帳居揆刺泊寇雲朔
明宗患之命石敬瑭鎮河東以禦之按揆刺泊寇一作
擦刺泊又作納喇泊在大同府北境史未載方輿紀
要云唐長興中德鈞鎮幽州以契丹數入寇乃城潞
河而戍之民始得耕稼卽今通州地三河縣在通州
東七十里薛史云德鈞奏發河北數鎮丁夫開王馬
口至淤口以通水運凡二百里在鎮甚有善政果官
檢校太師兼中書令牛象坤良鄉縣志云鹽溝河發
源宛平縣龍門關東南流經縣境陶村里入桑乾河
通鑑監溝作閭溝皇甫鑒域塚記云燕樂毅墓在良
鄉縣南三里通典云漢平谷縣故城在今潞縣北又
漢安樂縣故城在西北樂史太平寰宇記云潞河一
名沽河卽鮑邱水又東北自檀州密雲縣界流入酈道元
水經注云鮑邱水又東南歷夏謙澤又高梁水東至
潞縣注於鮑邱水南逕潞縣故城西王莽之通路亭
也後魏諸州地記云潞縣故城西三十里有潞河源出
北山南流卽鮑邱水也王自謹三河縣志云縣名三
河以地近胸河鮑邱河汝河三水也顧炎武京東考
古錄云明一統志曰三河在漢臨胸縣地今考二漢
書並無臨胸縣唐書地理志幽州范陽郡潞縣下曰

武德二年置臨朐縣貞觀三年省臨朐而薊州漁陽郡三河下曰開元四年析潞縣置蓋本一地先合爲臨朐後分爲三河皆自唐非漢也厲鶚云明一統志之誤亦沿襲遼史耳曹學佺名勝志云蘆臺軍在寶坻縣東南百六十里同光中劉守光置俗呼將臺趙德鈞祠在蘆臺巡檢司德鈞鎮蘆臺軍榷鹽院其所置也詳

卷十七

十一年秋七月丙申唐河東石敬瑭謀叛唐發兵討之敬瑭遣趙瑩來求救時趙德鈞亦遣使至九月帝自將救敬瑭己亥次太原敗唐將張敬達等兵遂圍晉安寨唐主從珂懼遣趙德鈞率所部兵會其子延壽軍於團柏谷逗留不進先是國兵屢攻北邊唐禁軍多在幽并德鈞敬瑭早懷二志求益兵運糧朝夕

相繼德鈞又爲子求領鎮州不許

攷異歐史云廢帝以德鈞爲諸道行

營都統延壽爲太原南面招討使德鈞爲子求鎮州廢帝怒曰德鈞父子握強兵求大鎮苟能破契丹而取太原雖代子亦可若玩寇要君恐犬兔均斃耳因遣使趣進軍及晉安寨破楊光

遠安審琦殺張敬達以降僕射蕭庫克夷齊

原作酷古只

奏德鈞等兵將遁詔夜發兵追擊之皆投戈棄甲自

相蹂踐擠於山谷者不可勝紀仍命皇太子馳輕騎

據險要追及步兵萬餘悉降之辛未度團柏谷以酒

祀天地俄追及德鈞父子乃率衆降

攷異通鑑云德鈞陰蓄異

志欲因亂取中原自請救晉安寨唐主命自飛狐踵契丹後鈞其部落遂將銀鞍契丹直三千騎由土門路西入過易州以劉在明軍自隨至鎮州合董溫琪兵乃自吳兒谷趣潞州至西湯子延壽請以兵屬志

在併范延光軍屯團柏谷踰月不戰密通契丹請立
己爲帝維翰力爭不果晉安破德鈞父子先遁諸將
繼之死者萬計契丹主北歸德鈞父子迎謁於高河
拜晉帝於馬首進曰別後安否晉帝不顧亦不與言
薛史董溫琪作華溫琪西湯作西唐店稍異史均未
載又云時德鈞有愛將時賽率輕騎東還漁陽尙干
餘人集於潞州節度高行周見德鈞父子在城闔上
勸其速迎車駕自圖安計遂降契丹方輿紀要云高
河在屯留縣東南卽絳河也吳冬十二月壬辰次細
兒谷在黎城縣東二十八里

河間降將趙德鈞父子兵馬

攷異契丹國志云主責

銀鞍契丹直安在德鈞指示之所殺凡三千遂鎖送
其父子歸國見述律太后悉獻寶貨田宅太后曰汝
近者何爲往太原德鈞曰奉唐主命太后指天曰汝
從吾兒求爲天子何妄語耶又指其心曰此不可欺
也吾兒將行時吾曰趙大王若引兵北向榆關亟須
引兵歸國太原不可救也汝欲爲天子何不能擊退
吾兒徐圖未晚汝爲人臣旣負其主不能擊敵又乘
亂邀利何面目復求生乎德鈞俛首不能對又問器

玩在此田宅何在曰幽州后笑曰幽州屬我何獻
為德鈞益慘自是鬱鬱不得志遂死史均未載

十二年趙德鈞卒以延壽為幽州節度使封燕王及

改幽州為南京遷留守總山南事以其妻在晉詔取

之以歸自是益自激昂圖報

攷異通鑑云契丹主入汴唐王淑妃與鄆公從

益居洛陽延壽娶明宗女為夫人淑妃諸大梁會禮

契丹主見之曰吾嫂也冊府元龜云晉天福三年九
月契丹使跌跌延信押按各馬往洛京搬取後唐公
主延壽進馬二匹謝恩放燕國長公主歸幽州所載

詳較

會同元年以趙延壽為樞密使兼政事令

攷異秦再思洛中紀

異錄云契丹主得趙延壽北歸情甚狎密使兼政事

主患之潛上表述趙父子事清泰於上黨擁重兵窺

玩神器清泰亡國不忠不孝天下所知請勿用戎主

以示延壽對曰晉主不欲令皇帝用臣者欲負帝恩

意史記事本末

卷十二

四

也臣在中原日掌樞機此輩方守外鎮爲臣所制中原土地人民津梁要害蓄積轉輸臣並知之恐用臣卽爲晉患耳主甚悅火其書曰我誓不疑汝命兼鎮幽州後晉之滅皆延壽贊成之史均未載

三年夏四月庚子帝至燕幸留守趙延壽別墅

六年冬十二月丁未帝如南京議侵晉命盧龍節度

使趙延壽與趙延昭由滄恒易定分道而進諸軍繼

之攷異契丹國志云延壽勸戎主伐晉乃集兵五萬使將之經畧中國曰若得之當立汝爲帝由是爲

盡力通鑑云契丹主指延壽謂晉人曰此汝主也延壽信之爲畫取中國之策所載較詳

七年春正月甲戌朔趙延壽等率前鋒五萬騎次任

邱己卯圍貝州其軍校邵珂開南門降太守吳巒投

井死己丑授延壽魏博等州節度使封魏王率所部

屯南樂擊晉軍破之獲其將賽項羽軍元城晉將李
守貞高行周率兵來逆破之至頓邱會大霖雨帝欲
班師延壽諫曰晉軍屯河濱不敢出戰若徑入澶州
奪其橋梁敵不足平帝然之適晉軍先歸澶州高行
周至析城延壽將輕兵逆戰帝親督騎士突其陣敵
遂潰師還仍留徇貝冀深三州攷異太宗紀遼軍圍
晉別將於戚城晉主
來救遼師不利因延壽言命延壽等以數萬騎急擊
高行周於戚城大敗之所載稍異與地廣記云冀州
秦屬鉅鹿郡漢置信都國亦曰廣川曰樂安曰安平
後兼置冀州後魏爲長樂郡隋爲信都郡唐爲冀州
今升武安軍縣六信都舊縣南宮棗強武邑衡水深
州秦屬鉅鹿郡漢屬信都國魏爲博陵郡隋置深州
唐因之亦曰饒陽郡今縣五靜安束鹿安平饒陽武
強方輿紀要云冀州在真定府東南二百八十里深

州在真定府東
二百五十里

八年春三月戊午趙延壽率前鋒薄泰城杜重威李
守貞引軍南遁追至陽城大敗之已而圍晉兵於白
圍衛村國兵失利引還夏六月丁亥趙延壽奏晉兵
襲高陽戍將擊走之

九年秋八月帝自將南侵晉九月趙延壽與張彥澤
戰於定州敗之冬十一月戊子朔進圍鎮州時晉主
遣延壽族人趙行實以書來招晉人久堅壁不出延
壽因給曰我陷遼久甯忘父母之邦若以軍逆我卽
歸晉人以爲然遣杜重威率兵迎之據中渡橋延壽

與高彥溫合步騎兵與晉軍力戰大擊破之死者數

萬殺其將王清

本傳作王靖

兩軍相拒帝潛由他渡濟留

延壽與耶律碩格

原作朔古

據橋敵不能奪屢敗之重威

等退保中流彥遂進兵夾滹沱而營延壽等分軍圍

守之糧盡勢窮重威等乃率眾降詔分其軍之半隸

延壽賜延壽龍鳳赭袍且曰漢兵皆爾所有宜親征

撫慰延壽至營重威守貞皆迎謁馬首

攷異通鑑云初杜重威降

契丹恐其為變欲擁晉軍納之河流或諫而止及使

威統眾屯陳橋士卒凍餒威出人皆唾罵契丹主猶

欲誅晉兵延壽固諫且言從其家屬於恒定雲朔間

每歲分番戍南邊何憂其為變主悅由是晉兵得免

分遣還營東都事畧云劉溫叟仕晉為翰林學士後

隨契丹北徙與承旨張允求去職主怒欲黜為縣令

延壽曰學士不稱職而求解者
罷之可也得不黜史均未載

大同元年春正月丁亥朔帝入汴二月丁巳朔升鎮

州爲中京以趙延壽爲留守大丞相兼政事令樞密

使

攷異宏簡錄云太宗給延壽貂蟬冠不肯服時延
別爲燕王冠以自表異東都事畧同紀未載

延壽因李松求爲皇太子帝曰吾於魏王雖割肌肉亦

不惜但皇太子須天子之子得爲之魏王豈得爲耶

蓋帝嘗許滅晉後以中原帝延壽以故摧堅破敵常

以身先至是使崧達意帝命遷其秩張礪擬大丞相

錄尙書事都督中外諸軍事帝弗許延壽恨之謂人

曰吾不復入龍沙矣尋世宗立隨歸國

攷異薛史云
延壽在汴復

娶明宗小女爲繼室先爲延州節度周密子廣所娶至是爲昭宗之主還至邢州升延壽坐在左右相之上還遷云太宗殂時契丹諸將已密議奉兀欲爲主兀欲登鼓角樓受叔兄拜而延壽不之知壬午下令以來月朔日於待賢館上事受文武官賀其儀宰相樞密拜階上節度以下拜階下李崧以戎意難測固止勿行間一日兀欲於待賢館受蕃漢官謁賀笑謂張礪曰燕王果於此禮上吾以鐵騎圍之諸公亦不免矣契丹國志云延壽聞太宗崩卽日引兵入恒州自稱受遺詔權知南朝軍國事下教布告諸道世宗至用密計召人飲酒數行引入內廷鎖之去歐史云兀欲執延壽遣人監之而籍其家貲史未言矯詔及被鎖籍家事以翊戴功授樞密使天祿二年卒攻異太今從本傳以翊戴功授樞密使天祿二年卒平廣記云延壽卽戎之暇時以篇什爲意甚有雅致常在北廷賦詩南人聞者往往往傳之詩曰黃沙風捲半空拋雲重陰山雪滿郊採水人歸移帳就射鵬箭落著弓抄鳥逢霜果饑還啄馬渡冰河渴自跑占得高陽肥草地夜深生火折林梢通鑑云或傳趙延壽已死郭威言於帝曰趙匡贊契丹所署今猶在河中宜遣使

弔祭因起復移鎮彼既家國無歸必感恩効命從之
丙申授匡贊晉昌節度使後二年延壽始卒於契丹
匡贊後避宋太祖諱改名贊鎮延州彰武軍羌胡畏
服新日云漢天福十二年七月晉昌節度使趙匡贊
降於蜀恐不爲朝廷所容故降蜀尋因判官李恕諫
復降漢薛史云匡贊仕契丹爲河中節度使後入中
國歷任漢周累節鎮及統軍使仕宋歷盧延邠鄜四
鎮吳任臣十國春秋云匡贊字元輔本名美幼聰慧
應神童舉明宗詔賜及第仍附禮部春榜德鈞父子
降契丹匡贊獨與母公主留西洛未幾歸薊門起家
金吾將軍又晉天福末浙地兒童聚戲動以趙字爲
語助云得則曰趙得云可則云趙可時趙延壽貴盛
浙人謂必應識後延壽爲契丹所執而謠益盛泊
宋祖受禪忠懿王納土始符其兆延壽傳均未載

遼史紀事本末卷十三

贈諫議大夫特賞內閣中書前江西峽江訓導萍鄉李有棠編纂

魯呼爭立 喜隱事附

太宗天顯四年冬十月甲子詔皇弟魯呼

原作帥師李胡

趣雲中討郡縣之未附者魯呼一名鴻觀

原作洪古攷異契丹

國志云名阮卷九十五傳定武節度使宏古亦作洪古又卷八十八傳侍中楚國公亦名宏古均另一人

字奚隱太祖第三子母曰舒嚕

原作述律

太后最所鍾愛

少勇悍多力性殘酷小怒輒鯨人面或投水火中太

祖嘗奇之曰吾家鐵兒也嘗大寒太祖命三子採薪

太宗不擇而取最先至人皇王取其乾者束而歸後

通鑑纂要卷一百一十三

至魯呼取少而棄多既至袖手而立太祖曰長巧而

次成少不及矣以從征渤海有功封爲自在太子至

是遣徇地代北焉十一月丁卯太宗親餞於西郊以

出師告天地及太祖行宮攷異契丹國志云少豪俠有智略善彈工射征渤海

時山陝高峻士馬憚勞苦徑於東

皆緣巖而進屢戰有功紀未載五年春正月庚午魯呼奏拔賓州捷多所俘獲二月

癸卯還自雲中朝於行在以先所俘渤海戶賜之三

月丁卯魯呼請赦宗室錫里原作舍利郎君以罪繫獄者

詔從之乙亥冊爲壽昌皇太子攷異太子應作弟詳卷八兼天

下兵馬大元帥

八年春正月庚子命魯呼等伐黨項帝親餞之三月
辛卯魯呼討黨項勝還宴勞之嗣後太宗出征魯呼
嘗留守京師

大同元年春正月丁亥朔太宗入汴夏四月丙辰朔
發汴州皇弟魯呼遣使問軍前事太宗優詔答之及
崩於樂城世宗奉梓宮還次鎮陽卽位舒嚕太后聞
之怒命魯呼率兵拒之至泰德泉爲安圖

原作瑠格
安端

原作留哥等所敗太后與世宗隔潢河而陣各言舉兵意

耶律烏哲

原作屋質

勸太后許之時魯呼在側作色曰我

在烏雲安得立烏哲曰奈公酷暴失人心何太后顧

三
卷之二十三
二

魯呼曰昔我與太祖愛汝異於諸子諺云偏憐之子
不保業難得之婦不主家我非不欲立汝汝自不能
矣及會議世宗使解劍而言和約既定遂罷兵趨上
京已而有告魯呼與太后謀廢立者遷之於祖州禁
其出入穆宗時其子喜隱謀反辭連魯呼囚之死獄
中年五十葬玉峰山西谷統和中追諡欽順致異契丹國志
作恭皇帝重熙末更諡章肅復諡和敬二子宋王喜隱衛
王完 喜隱字完德雄偉善騎射封趙王應歷中謀
反事覺以親釋之未幾復反下獄景宗卽位聞有赦
自去其械而朝帝怒曰汝罪人何得擅離禁所詔誅

守者復寘於獄及改元保甯始宥之妻以皇后之姊

復封宋王輕剽無恒怙惡不悛屢謀亂敗而復召攷異

畢沉續通鑑云喜哀自復封後得志而驕主召不時

至怒敬之由是憤怨謀亂為閤門使酌古子海里所

告喜哀坐廢酌古加檢校太尉兼御史大夫海里遙授隴州防禦使所載較詳嘗見帝與劉繼元書辭意卑遜諫曰本朝於漢為祖書辭如此恐

虧國體帝尋改之授西南招討使攷異畢沉續通鑑作北面招討使

命往河東索吐蕃戶復謀叛帝命械其手足築園土

囚祖州會宋降卒欲劫立喜隱以城堅不得入立其

子留禮壽為上京留守楚實勒原作除室所擒留禮壽伏

誅喜隱賜死攷異宏簡錄云李胡次子完應歷三年與郎君嵇幹敵烈謀反事發完免死景

通鑑紀事本末 卷十三 三

宗時追封完衛
王魯呼傳未載

遼史紀事本末卷十三

遼史紀事本末卷十四

貽封資政大夫特賞內閣中書前江西峽江訓導萍鄉李有棠編纂

世宗之立

太宗大同元年夏四月戊寅世宗卽位於鎮陽世宗

諱阮小字烏雲

原作兀欲改作鄂約攷異薛史作烏裕冊府元龜云後改名聿精音樂太

祖紀神冊三年皇孫烏雲生烏雲原作隈欲考皇子

表皇族表並無名隈欲者惟世宗小字兀欲兀與隈

音近且世宗被弑年三十四是年至天祿五年適三

十四年其爲世宗無疑又太祖紀九年幽州軍校齊

行本賜人皇王讓國皇帝長子母曰柔貞皇后蕭氏

名兀欲

生而儀觀豐偉內寬外嚴善騎射樂施與人望歸之

人皇王歸唐被害太宗愛之如子

攷異歐史云兀欲工畫能飲酒好禮

士德光嘗賜以絹數千匹散之一日而盡會同九年從伐晉求父遺骸葬

之大同元年春二月封永康王夏四月丁丑太宗崩

於欒城戊寅奉梓宮次鎮陽時帝崩無遺詔軍中憂

懼不知所爲南院大王耶律吼詣北院大王耶律幹

原作注放異滿洲語氣味也舊作哇今譯改議曰天位不可一日曠若請

於太后則必屬魯呼原作李胡彼暴戾殘忍詎能子民必

欲厭人望則當立永康王幹然之及會議世宗以魯

呼及壽安王在朝猶豫未決適安圖原作安搏攷異汪輝祖遼史同

名錄云卷八景宗紀保甯七年將卷一百直宿衛安

三蕭罕嘉努傳祖中書令三人同名安搏圖父廸里嘗以諫立太宗爲太后所殺安圖自幼爲

世宗所憐恤安圖密自結納世宗因召問計對曰大王聰安寬恕人皇王之嫡長先帝雖有壽安天下屬意多在大王今若不斷後悔無及會有自京師來者安圖詐以魯呼死傳報軍中皆以爲信於是安圖詣南北二大王計之北院大王幹聞而遽起曰吾二人方議此事先帝嘗欲以永平王爲儲貳今日之事有我輩在孰敢不從但恐不白太后立之爲國家起釁安圖對曰大王旣知先帝欲以永康王爲儲貳況王賢明人心樂附今天下甫定稍緩則大事去矣若曰太后必立魯呼且魯呼殘暴行路共知果嗣位如社

稷何南院大王吼曰此言是也吾計決矣乃整軍召

諸將定策立世宗且令之曰大行上賓神器無主永

康王人皇王之嫡長天人所屬當立有不從者以軍

法從事諸將以太祖崩時舒嚕原作述律太后嘗殺酋長

及諸將數十人至是皆懼死莫不欣然從命世宗遂

卽位於樞前攷異契丹國志云帝入懷州執趙延壽

南朝軍國事昨日臨崩別無遺詔燕王安得擅立耶

後數日集蕃漢諸臣於府署宣太宗遺制云云可於

中京卽皇帝位舉哀成服既而易吉服甲申次定州

受賀歌吹之聲不絕於內史均未載

命天德字必徹原作苾扇太碩格原作嘉哩解里等

護梓宮先赴上京太后聞之怒命魯呼率兵拒之攷

歐史云兀欲留麻答守鎮州晉諸將相隨者六月甲皆留之而去以翰林學士徐台符李滸從行

寅朔次南京五院額爾奇木原作夷安圖原作詳奏

原作瑠格史攷證云卷六十四聖子表天德下卷七

詳穩瑠格史攷證云卷六十四聖子表天德下卷七

十二魯呼傳俱作留哥係一人卷六十等遣人馳報

請為前鋒至泰德泉遇魯呼軍與戰敗之時安圖墜

馬王子天德馳至欲以槍刺之瑠格以身衛安圖射

天德貫甲不及膚安圖得馬復戰以是獲勝瑠格與

安圖朝於行在世宗遣郎君勤德等語兩軍諭解并

使偉王攷異兵衛志有偉王軍而紀傳表均無偉王

作偉王見陳浩遼史攷證將兵次石橋方輿紀要云

此之偉王或即安圖也

遼史紀事本末

卷十四

三

異胡嶠入邊錄云石橋沙河之橋也南則姚家洲北則宣化館是也太后所使降將李

彥韜迎降秋閏七月次潢河太后整軍拒於橫渡時

魯呼盡執世宗臣僚家屬謂守者曰我戰不克先殄

此曹人皆洶洶相謂曰若果戰則是父子兄弟相夷

矣相持數日用烏哲原作屋質之謀各罷兵趨上京語詳

烏哲事中已而聞魯呼與太后復有異謀遷於祖州

誅司徒華沙原作畫設及春博里原作魯孟父房楚國王揚珠

子八月壬午朔尊母蕭氏爲太后以崇德宮戶分賜

南北院大王各五十吼傳字赫魯巴古濟後端愨好

精簡世宗立加採訪使子和勒博官北院大王幹儀字敵輦實魯孫有器識人以公輔期由特里哀遷世

院大王世宗立拜裕悅宏簡錄吼為當時七賢之一
與注均以壽終金陵黃氏書目載有七賢傳卷八景
宗保甯三年皇安圖原作楚補各百達魯原作的魯
兄吼另一人安圖安搏楚補各百達魯原作的魯
世宗賜以寶貨吼辭曰的球坐事籍沒哀而出之受
賜多矣許之是的魯即係的球續通考云與宗嘗問
蘇魯曰卿有求乎對曰臣富貴踰分不敢他望惟臣
叔先朝優遇身沒之後不肖子坐罪籍沒四時之薦
享得一人以主祭臣願畢矣詔子坐罪籍沒四時之薦
免籍復其家所載事同另一人搭拉鐵刺子孫先以
非罪籍沒者歸之癸未始置北院樞密使以安圖原
安為之拜裕悅原作于越本傳曾祖揚珠元祖長子
搏孝以父死非命未葬不預宴樂至是以定策功寵
任無比事皆取決然性大寬樂徇苟簡豪猾縱恣不
能制察克兵犯御幄未能討中外短之穆宗立以立
世宗故不復委用尋誣與齊王雅斯哈謀亂繫獄死
姪薩結詳表按皇族表橫帳孟父房楚國王揚珠原
作巖光皇子表謂追封蜀國王本紀同又卷七十七

安圖傳祖春博里父廸里皇族表未載
廸里一世而春博里被誅表亦失載
九月丁卯行

柴冊禮羣臣上尊號曰天授皇帝大赦改元天祿以

安圖原作安端主東丹國封明王察克原作察割為泰甯王瑠

格為特哩袞原作惕隱高勳為南院樞密使是年蕭翰

矯詔以許王從益帝中國引兵北歸漢主劉知遠稱

帝於晉陽入汴殺許王及其母王淑妃攷異薛史云時漢高祖入

汴以杜重威為宋州節度使閉城拒命詔高行周率

兵攻討重威遣子宏璉告急於鎮州滿達勒乞援使

宏璉為質遣蕃將楊袞赴之未幾

滿達勒被逐楊袞至洺州而還
天祿二年春正月天德蕭翰瑠格瑣都原作盆都等謀反
誅天德杖蕭翰遷瑠格於邊罰瑣都使哈噶斯原作轄戛

斯國 漢主劉知遠殂子承祐立 知遠第二子封周王後稱隱帝

夏四月庚辰朔南唐遣李朗王祚來慰且賀並奉蠟

九書議攻漢 呼使晉及南唐會同元年六月南唐遣珠勒

貢七月遣美楞拉呼使南唐二年正月以受晉冊遣

使報南唐五月南唐遣使來貢三年三月南唐遣使

來觀四月至燕南唐進白龜八月遣使南唐十一月南唐遣

使求贖帳賜之十月遣魯庫使南唐十一月南唐遣

使獻蠟九書言晉密事四年正月南唐遣使來貢七

月十二月南唐兩遣使奉蠟九書六年三月南唐遣趙延嗣

侯奉蠟九書世宗紀天祿四年三月南唐遣趙延嗣

張福等來賀南征捷五年六月南唐遣蔣洪來乞舉

兵應援九月世宗被弑十一月南唐遣使來弔穆宗

應歷二年正月南唐遣使奉蠟九書五月遣使來貢七年二月南

唐遣使奉蠟九書六月復遣使來貢而陸游南唐書

云昇元元年契丹使梅里捺盧古東丹使高徒煥來

各以羊馬入貴翰林進二丹入貢圖舍人江文蔚作

憲也

贊四年九月契丹遣使梅里捺姑米里來聘獻馬五駒
七年正月契丹遣達羅干等二十七人來聘獻馬三
百羊三萬五千吳任臣十國春秋云東丹王係契丹
主弟別特羊三萬口馬二百匹來鬻以其價市羅紇
茶藥保大元年元宗遣公乘銘航海使契丹主遣元
宗書曰大契丹天順皇帝謹致書大唐皇帝闕下貴
朝使公乘銘等自去秋已達東京海岸適遭國禍今
年正月二十六日部署一行並諸儀物兵鎧已至燕
京茲蒙敦念先朝踐修舊好既增推痛又切感銘貴
國長直官王朗陳篆取間道先歸用附咨報公乘銘
已遣伴送使陳植等同回止俟便風卽令引送陸游
南唐書又云述律后遣元宗書並遣王朗先齎散號
子聞奏散號子不知何等語也所載與史多異公乘
銘相州人先進蠟書於元宗稱至幽州館愍忠寺先
迎御容入宮召見賜宴主手斟玉鍾酒自啜乃以勸
臣云吾與唐皇帝一如先朝往來時稱其有古使臣
風見十國春秋王文正上遼事云幽州憫忠寺本唐
太宗爲征遼陣亡將士所造又有開泰寺魏王耶律
漢甯造皆遣朝使游觀孫承澤春明夢餘錄云憫忠
寺建於唐貞觀十九年寺中有高閣諺曰憫忠高閣

去天一握是也劉侗帝京景物畧云憫忠寺中一碑
丁牛斷裂可讀者其上段字有燕京大憫忠寺觀音
地宮舍利函記遼大安十年沙門善製朱彝尊曰下
舊聞云是碑文字悉完未嘗斷裂末云大安十年歲
次甲戌閏四月辛未朔二十二日壬辰申時功德主
燕京管內左右街都僧錄崇祿大夫檢校太師行鴻
臚卿聰辨大師賜紫沙門善製門人義中書又寺內
戒壇前有遼幢一乃為寺尼薦福刻者前刻石幢記
後刻尊勝叭記為將仕郎守磁州司馬劉贊述叭為
前蘇遼興軍觀察巡官王進思書此外果朝遺碣如
唐蘇靈芝書寶塔頌景福元年采師倫書重藏石利
記及金大定間禮部令史題名記諸碑皆足以資考
證遼觀音舍利函記云蓋聞應物為觀舍利樂無窮者
大聖觀音有威克從功德莫測者靈蹤舍利金言所
載寶牒攸存善製肇札巨社會萬人金玉之資欲滿
宿心塑百尺水月之像將圓寶相先實地宮化檀那
近百千求獲舍利餘一萬粒封以金匱貯以石函圓
淨璨然實為神異所冀光徹無間之獄福治有頂之
天良因不虛叵利斯在上願我國家二儀齊於聖壽
兩曜等於文明三寶長隆四方永肅八難除一十四

種之怖畏四生見三十二應之威神獲圓通之法門
願大作於佛事又寺尼薦福石幢云大師法諱遇
俗姓郝氏十三樂出家值太原蓮花寺廣賢尼大德
住燕之歲卽禮爲師長大德行純窻容止可觀天祐
三年始受學法將隣二載乃具尸羅念戒及我后駕
幸燕部躬選名行敬加師號薦福以應歷七年六月
二十一日奄化於本院之大堂春秋
十三夏臘五十四門人副員大德承進

午南京留守趙延壽卒以中臺省右相德嘑代之封

燕王均作述軌通鑑輯覽作舒幹王溥五代會要作

碩岳按本傳世宗卽位遣使馳報仍命執偏將珠展

來使誤入珠展營珠展得詔反誘執德嘑送太后尊

亡歸使守南十一月駐蹕彰武南云四月帝幸遼

京所載較詳陽初述律太后遷晉故帝於懷密州去黃龍府西北

千五百里太后敗始得還遼陽至是詣御帳上謁伏

地請罪與飲奏樂伶人見故主皆泣下奪取其子延

煦去復遣還未幾取其幼女以與后兄禪奴利因求

賜地種牧許之已而徙建州取其寵姬趙氏聶氏歸
蓋逢吉等漢高祖實錄云少帝師族侯耶律氏於野
初甚疏帝指陳前事乃大臣同謀皆歷歷能對無撓
屈色耶律氏亦假以辭色綱目遷建州載在乾祐二
年二月卽天祿三年也薛史禪奴利作綽諾錫里云
徙建州時節度趙建暉盡禮奉迎館於衙署割寨地
五十餘頃分耕給食地離建州數十里國志謂趙聶
二姬爲太宗述律王所取又趙建暉作趙延暉延一
作元史未載北蕃地里志云建州東北至霸州九十
里南至榆州五十里西南至小凌河十里有器械仗山
在東南三十里方輿紀要云建州亦曰保靜州遼置
在靈河縣南屢遭水患隆緒時又遷於河北卽唐故
崇州城也見地理志統縣二永霸
永康唐崇州史作康崇州又異

三年春正月蕭翰及公主額伯哩

原作阿不里謀反翰伏

誅額伯哩瘐死獄中

秋九月辛丑朔召羣臣議南

侵冬十月遣諸將率兵攻下貝州高老鎮徇地鄴都

南宮

縣名在冀州西南六十里

堂陽

縣名在南宮縣西南二十里

殺深州刺史

史萬山俘獲甚衆

攷異歐史云乾祐元年兀欲率萬

馬嘶爲候其來也馬不甚嘶鳴而矛戟夜有光又月

蝕人皆懼人馬傷死大半薛史云乾祐二年十月契

丹陷貝州高老鎮至鄴都北境及南宮堂陽殺掠吏

民數州大被其害命郭威巡邊王峻參軍事契丹攻

深州刺史史萬山兵敗死之先是契丹入邊萬山城

守郭威遣索萬進率騎七百屯深州一日契丹數千

騎逼州東門萬山父子率兵百餘襲之契丹僞退十

餘里而伏兵發萬山血戰急請救於萬進不至萬山

戰死尋解去通鑑目錄云契丹聞漢兵渡河引去威

至邢州還所載較詳周質析津日記云京師仙露寺

近菜市西居民掘地得石匣乃遼世宗天祿三年所

瘞中藏舍利無有也匣如石擲而短小旁刻僧志願

記具書布施金錢姓名記後有千人邑三字具列遼

帝后東明王夫人永甯大王燕主大王國舅相公宣

徽令主李可興洛陽留守侍中劉暉齊國夫人張氏

男三司使道紀衙院馬九故太師侍中趙思溫男延

一十粒朱彝尊日下舊聞云后疑是甄氏東明王當

是靖安后族札克繖古魯時官詳袞趙延照史作疑

昭疑係一人又彝尊吉金貞石志載釋志願葬舍利

佛舍利匣記畧曰達摩禪師遠涉流沙登雪嶺得釋

迦舍利辟支佛牙授與先師先師諱清瑠閩川人自

會同五載仲秋齋舍利佛牙到此於八年春季月莫

周十一葉染病而逝臨遷化時將舍利佛牙付仙露

寺講維摩經比邱尼定徽建宰堵坡等具表奏聞大

遼皇帝降宣頭一道錢三百貫以充資助於天祿三

年歲次己酉四月十三日安葬施主名具鑄於後按

千人邑者社會之名詳曝書亭集遼雲居寺二碑跋

四年春二月辛未泰甯王察克來朝留侍是月建政

事省秋九月乙丑朔如山西冬十月自將南侵漢攻

下安平縣名在晉州內邱縣名在順德府北五束鹿

東北九十里邱縣名在順德府北五束鹿

縣名在祁州等城大獲而還攷異薛史云鎮州邢州南百二十里邱縣時兀欲率部族入邊內邱城小而固攻五日不下敵傷者甚衆有官軍五百在城防戍攻急官軍降敵屠其城去王溥五代會要云乾祐三年十一月烏雲率騎數萬南冠陷邢州之內邱縣深州之饒陽縣按饒陽今屬晉州在州東北百三十里又內邱之破歐史漢隱帝紀作乾祐二年附錄作乾祐元年通鑑繫於三年即天是歲冊皇后蕭氏濟原作撒葛只舒祿四年與史合是歲冊皇后蕭氏濟原作撒葛只舒明后弟阿古齊女初爲妃生景宗天祿四年立爲后步輩直詣察克請畢收斂明日遇害諡孝烈重熙中更諡懷節其廟碑文爲翰林學士李昉所撰生三女一和克丹封秦國長公主嫁侍中蕭卓琳二觀音封晉國長公主嫁蕭實喇三薩喇嫁蕭幹里均見公主表后父阿古齊原作阿古只本傳子安團官右皮室詳表外戚表未載安團名后小字撒葛只卷六十五道宗女卷一百一蕭胡篤傳先世三人同名撒葛只又世宗妃甄氏後唐宮人有姿色帝從南征得之寵

遇甚厚生甯王札穆卽位立爲后與參帷幄密贊大
謀不果用察克作亂遇害景宗立葬二后於醫巫閭
山建廟陵寢側見后妃傳契丹國志以景宗爲甄后
生又生平王荆王吳王甯王河間共六子甯王名札
穆原作只沒考卷十聖宗統和元年奉遺詔召先帝
庶兄質睦於葢塗殿復封甯王卷六十四皇子表世
宗妃甄氏生長沒封甯王所載事迹略同是只沒質
睦長沒均係一人續通考云質睦敏給好學通遼漢
字工詩保甯中封甯王故太后卒云時病無醫藥
王奪爵統和中復舊晉故太后卒云時病無醫藥
戟手罵重威守貞曰死不置汝令死焚其骨送范陽
佛寺無爲遼地鬼前安太妃亦然周顯德中帝與后
及諸皇子均無恙從漢郭威人父簡官順州刺史爲
者多物故所載較詳劉仁恭殺威少孤依潞州常氏薛史云本常氏子隨
母適郭冒其姓爲姨母韓氏所養字文仲所載各異
因隱帝被弒反慕容彥超與戰於劉子陂兵敗帝崩
王溥五代會要云帝爲郭允明弒於京兆之趙村冊
府元龜云威初在太原與帝相戲狎嘗夢威爲驢負

之昇天俄變為龍捨帝而去迎劉崇知遠母弟後更名旻見歐史

從子贊尋廢為湘陰公攷異尹洙五代春秋云威入

往徐州迎之契丹入寇威帥師北討次澶州還師通鑑考異云時齋詔迎贊者為樞密直學士王度秘書

監趙上交

五年春正月癸亥朔帝如百泉湖漢郭威弒其主贊

而自立國號周遣朱憲來告攷異綱目於威自立事

乃天祿四年此書於五年正月當是來告之遲歐史與紀同陶岳五代史補云豫章僧號上藍者精術數

自唐末著識云石榴花發石榴開議者謂石榴即晉漢再言者明不過二世也并致良馬

漢劉崇自立於太原二月周遣姚漢英華昭允來以

書辭抗禮留不遣攷異王溥五代會要云周廣順元年正月命左千牛衛將軍朱憲請

修和好鳥雲亦遣雅古吉報命獻良馬四太祖命左
丞田敏供奉官蔣光遂銜命往聘四月敏等回鳥雲
遣使什哩獻碧玉金鍍銀裏鞍轡并馬四十四匹祖
命左金吾將軍姚漢英及華光裔往使薛史云先是
烏裕遣使與漢書致境上會京師亂平帝回至瀘州
遇蕃使遂與入朝至是遣朱憲件送歸蕃致書叙革
命之由并遣以金銀酒器及玉帶按夏六月辛卯朔
歐史雅古吉作梟骨支所載各異

劉崇爲周所攻遣使稱姪乞援且求封冊卽遣燕王

德哱樞密使高勳往冊爲大漢神武皇帝南唐遣蔣

洪來乞舉兵應援是夏帝清署百泉嶺秋九月庚

申朔自將南侵周王戊次歸化州尙和原作祥古攷
異游幸表作

詳山祭讓國皇帝於行宮羣臣皆醉察克原作察割
攷異通鑑

輯覽作反帝遇弒年三十四攷異歐史云兀欲會各
部酋長復謀入寇皆不

察罕

欲兀欲強之燕王述軋與泰甯王嘔里僧等率兵殺之於大神淀按嘔里僧通鑑作嘔僧地理志作額哩森通考作烏辛皆歐新之轉均係一人蓋察克字烏紳原作歐辛也大神通鑑作火神胡三省引宋白云在新州西淀讀為殿淺水曰殿史稱歸化州即唐武州去新州不遠遼上京亦有大神淀與此非一也見濟所堂集方輿紀要云主議於九十九泉不合行至火神淀被弑魏土地志云牧牛山下有九十九泉即滄河上源在沮陽縣城八十里遼志云在豐州境內火神淀在保安州西錢良擇出塞記畧云和碩克山對面為諸勒克山山巔有九十九泉雁為長河直達歸化城按魏書天賜二年登武要北源觀九十九泉武要為定襄郡屬縣在大同西北宋白云九十九泉在幽州西北千餘里遼志亦載鹽池九十九泉意即處也葬顯陵謂即鑿無間山謚孝和莊顯皇帝諸大臣討亂黨察克及燕王德喀後察克叛德喀方醉其妻扶入察克幕因從之明旦壽安王舉兵諸亂黨悉降德喀不降凌遲死妻子女皆誅紀未載六院

大王朗

本傳字歐辛季父房阿古齊孫察克作亂遣詳妄蕭胡里率兵往應命曰當持兩端助其

勝者

穆宗立伏誅籍其家屬紀未載攷異太宗會同

六年

十月遣剋朗使吳越通鑑作遙折卷十聖宗統

和元年

近幸三人同名朗阿古齊原作罨古只有二

一係

六院房額爾奇木搭拉子希達兄希達傳載詐

頂罨

母兄罨古只額爾奇木一係季父房郎朗等皆

之

郎傳誤作爲一人又悞古作谷皆德祖系

詳之立穆宗初世宗慕中華風俗多用晉臣侮諸宰

執而荒於酒色由是國人不附諸部數叛興兵征討

猶因北漢南唐乞兵應援與周構怨以及於禍先是

右皮室詳袞烏哲屢表言察克姦邪不納是年七月

帝幸太液谷留飲三日察克謀亂不果至是至尙和

山察克邀壽安王與語弗從遂與瑣都等謀卒遇害

遼史紀事本末卷十四

遼史紀事本末卷十五

馳封資政大夫 特賞內閣中書前江西峽江訓導萍鄉李有棠編纂

蕭翰謀逆

太祖天贊元年夏四月癸亥晉王存勗圍鎮州節度

使張文禮遣使來告急詔將軍康末怛率蕭翰等往

擊敗之殺其將李嗣昭拔石城翰一名迪里原作字

哈準原作寒真一作寒貞攷宰相達魯原作魯之子攷

薛史云蕭翰父曰阿巴會引眾寇平州劉仁恭遣騎

將劉雁郎與守光率騎先守其州阿巴為所紿被擒

契丹贖歸等以妹為安巴堅妻阿巴舊作阿鉢舒嚕

按達魯名列外戚表翰為達魯子表未載翰名舒嚕

原作太后之從子太宗靖安后兄也攷異契丹國志云其妹復為世

宗翰始以蕭爲姓自是后族皆稱蕭氏

攷異外戚傳太宗入汴賜

后族小漢曰蕭翰宏簡錄云李崧爲蕭翰製姓名史未載

性殘忍工騎射

太宗天顯十一年秋九月庚午帝自將侵唐以援河東與唐師戰於太原其將張敬達來拒翰率兵自東北衝唐兵爲二大破之斬首數萬級

會同初領漢軍侍衛

八年春正月從伐晉敗晉將杜重威兵追至望都翰請舍騎而射帝止之軍士步進敵人持短兵猝至圍兵失利帝深悔曰此吾用言之過以至於此

九年冬十一月杜重威等退保中渡寨帝命趙延壽

等分兵圍之潛遣翰等斷晉糧道

攷異通鑑云翰與通事劉重遇將兵

並西山出晉軍之後斷其糧道及歸路樵采者遇之盡爲所獲進至樂城降之獲晉民皆黥其面日奉赦

不殺縱之南走所載較詳

大同元年春正月丁亥朔太宗入汴三月丙戌朔以

蕭翰爲宣武節度使夏四月丙辰朔班師發自汴州

留翰鎮撫之丁丑崩於樂城世宗奉梓宮次鎮陽卽

位於柩前翰聞之欲北歸會漢主知遠稱帝擁兵發

晉陽翰遂遣高模翰迎唐明宗子許王從益

攷異翰傳從益

作從敏歐史云從益爲王淑妃養子晉高祖封爲郇國公奉唐祀出帝立還洛陽德光入汴爲趙延壽娶從益妹號永安公主淑妃主婚乃拜從益爲彰信節度使仍與妃還洛陽翰欲北去使人召之子母匿於

嶽陵域中竟廼以東後知南朝軍國事尋備百官立

漢高祖遺郭從義殺之

為帝從劉審交方為三司使謂宜聽太如處分於是

遣使迎漢帝以翟光鄴為樞密使召高行周武行德

均不至用王景崇為宣徽使監左藏庫取庫金奔漢

審交幽州文安人光鄴乃引兵徑赴行在秋閏七

月世宗與舒嚕太后相拒於潢河橫渡太后問翰曰

汝何怨而叛翰對曰臣母無疾太后殺之以此不能

無憾致異瑤格傳和議成太后問瑤格曰汝何怨而

初耶律烏哲屋質以附太后被囚翰聞而快之即

囚所謂曰汝嘗言我輩不及今在狴犴何烏哲曰第

願公不至如此翰默然

世宗天祿二年春正月翰與天德瑠格原作瑠格瑢原作瑢瑨原作瑨瑩原作瑩都原作都

盈謀反誅天德翰以尙帝妹額伯里原作阿不里故杖而

釋之天德爲太宗庶子宮人蕭氏所生也猛悍趨捷

嘗從破石晉有功先是翰謀亂時耶律實喇原作石刺告

烏哲遂入奏之翰等不伏帝不欲發其事烏哲固諍

以爲不可乃詔烏哲鞠案翰伏辜帝竟釋之

三年春正月翰復與公主額伯里以書結明王安圖

原作反烏哲得其書以奏乃誅之額伯里瘐死獄中

安端攻異契丹國志云翰留守汴京滋德宮有五十餘人

翰欲取之宦者張環不與翰破鎖奪宮人執環燒鐵

烙之死歐史云初同州郃陽縣令胡嶠爲翰掌書記

隨入契丹而翰妻爭妬告翰謀反翰見殺嶠無所依

居七年當周廣順三年亡歸中國述其所見作陷虜
 記所云翰妻事與史異冊府元龜云周廣順二年以
 契丹虞部員外郎胡嶠為汝州魯山縣令以其歸化
 故也嶠穀清異錄云嶠雄才宿學未達為德光所掠
 間道亡歸其飛龍礪飲茶詩曰沾牙舊姓餘甘氏破
 睡當封不夜侯蔣一葵堯山堂外紀云胡嶠詩餅裏
 數枝婪尾春時人罔喻其意桑維翰曰唐末文人
 謂芍藥為婪尾春者婪尾酒乃最後之杯芍藥殿春
 亦得是名陷虜記亦作陷北記云蕭翰得罪被鎖嶠
 與部曲東之福州翰所治也契丹多憐嶠教其逃歸
 史均
 未載

遼史紀事本末卷十五

遼史紀事本末卷十六

貶封資政大夫 特賞內閣中書前江西峽江訓導萍鄉李有棠編纂

烏哲定變

室助賢適等附

太宗大同元年夏四月丁丑帝崩於藥城世宗行次

鎮陽卽位舒嚕

原作述律

太后聞之怒遣皇子魯呼

原作李胡

以兵逆擊敗於泰德泉世宗軍至潢河橫渡隔岸相

拒以耶律烏哲

原作屋質致異畢沉續通鑑作烏珍滿州語重也舊作屋質今譯改

之

謀各罷兵趨上京烏哲字敵輦系出孟父房簡重有

器識重然諾遇事造次處之從容人莫能測博學知

天文會同間爲特哩袞

原作惕隱

時從太后世宗以其善

籌欲行間乃設事奉書太后太后以書示烏哲對曰
太后佐太祖定天下故臣願竭死力太后見疑臣雖
欲盡忠得乎爲今計莫若和解事必成否則宜速戰
決勝負倘人心一搖國禍不淺宜裁察太后曰我若
疑卿安肯以書示汝對曰魯呼永康王皆太祖子孫
神器非移他族何不可之有太后當思長策與永康
王和議太后曰誰可遣者對曰太后不疑臣請往萬
一永康王見聽社稷之福太后乃使授書於帝帝遣
耶律哈斯原作海思本傳隋國王實魯庶子官宣徽
使既和領太后諸局事穆宗卽位與冀王
迪里謀立隆復書辭多不遜烏哲諫曰書意若此國
科死獄中

家之憂未艾也能釋怨以安社稷則臣謂莫若和好
帝曰彼衆烏合安能敵我烏哲曰卽不敵奈骨肉何
況未知孰勝借曰幸勝諸臣之族執於魯呼者無噍
類矣以此計之惟和爲善左右皆失色帝良久問曰
若何而和對曰與太后相見各舒忿恚和之不難不
然決戰非晚帝然之遂遣哈斯詣太后約和往返數
日議乃定始相見怨言交讓殊無和意烏哲反復辨
難左右感激大慟太后曰議未定神器竟誰歸烏哲
曰太后若授永康王順天合人復何疑魯呼厲聲曰
我在烏雲

原作兀欲
世宗小字

安得立烏哲曰禮有世嫡不傳

諸弟昔嗣聖王之立尙以爲非况公暴戾殘忍人多
怨讟萬口同聲願立永康王不可奪也太后顧魯呼
曰汝亦聞此言乎汝實自爲之乃許立帝帝謂烏哲
曰汝與朕屬尤近何反助太后對曰臣以社稷至重
不可輕付故如是耳帝嘉其忠

世宗天祿二年春正月耶律天德蕭翰謀反下獄特

哩袞瑠格

原作留哥

及弟瑣都

原作盆都

結天德等爲亂耶律

實喇

原作石刺

潛告烏哲烏哲遽引入見白其事瑠格等

不服事遂寢未幾瑠格邀駕觀樗蒲奉觴上壽袖刃
而進帝覺命執之親詰其事瑠格自誓帝復不問烏

哲奏曰當使實喇與對狀不可輒恕帝曰卿爲朕鞠之烏哲率劔士往訊之天德等伏罪誅罰有差明年

三年烏哲表列泰甯王察克

原作察割

陰謀事帝不聽等

拜爲右皮室詳袞

原作詳穩

五年秋九月庚申朔帝自將南侵次歸化州尙和

原作

詳山察克弑帝烏哲聞變亟遣人召諸王及諭禁衛

長皮室等同力討賊時壽安王歸帳烏哲遣弟冲迎

之王意尙猶豫烏哲曰大王嗣聖子賊若得之必不

容羣臣將誰事社稷將誰賴悔莫及矣王始悟諸將

聞烏哲出相繼而至遲明整兵出賊不意圍之遂誅
察克語詳察克事中亂既平穆宗卽位謂之曰朕之
性命實出卿手命知國事以逆黨財產盡賜之烏哲
固辭

穆宗應歷五年以烏哲爲北院大王總山西事

景宗保寧元年冬十一月乙巳北院大王烏哲加裕

悅

原作于越

時宋師圍太原命烏哲率兵往援至白馬嶺

遣勁卒夜出間道疾馳駐太原西鳴鼓舉火宋兵以
爲大軍至懼而宵遁

四年北漢主劉繼元遣使來貢致幣於烏哲烏哲以

聞帝命受之

五年夏五月癸亥烏哲卒年五十七帝輟朝三日後

道宗詔上京立祠祭享樹碑以紀其功攷異宏簡錄云道宗時庶

子古乞銘父功始命耶律庶成製文勒石上京崇

孝寺并立祠旌之唐古字敵隱廉謹善屬文統和中

述其父安民治盜之法以進禮小將軍歷豪州刺史

治績本部詳穩魄衍黨項部節度使改右夷離畢均有

散爲邊患不若復守故疆省罷戍役不報按本傳豪

州作壕州考地理志無豪州惟壕州在顯州東北二

百二十里又營衛志亦有壕州之名從壕爲是又傳

云重熙四年上疏不報旋致仕宏簡錄又云重熙十

四年爲右伊勒希巴興宗紀繫之十七年是唐古致

仕當在十七年後且嘗爲右伊勒希巴也傳有脫悞

續道考云屋質五世孫孟簡於太康中詣闕上表請

修國史乃編三

臣行事以進

金史已見本卡

同時室昉字夢奇南京人會同中第進士太宗入汴
受詔知制誥總禮儀事應歷中累遷翰林學士出入
禁闥十餘年保甯中兼政事舍人數延問古今治亂
得失奏對稱旨改南京副留守決訟平允人皆便之
擢樞密使兼北府宰相同平章事監修國史進尙書
無逸篇太后嘉獎是時與韓德讓耶律色珍原作斜軫相
友善同心輔政知無不言法度修明朝無異議屢請
致仕令居南京封鄭國公免拜賜几杖統和九年遭
疾授中京留守政異畢沅續通鑑云遼史紀傳及百官志稱昉爲中京留守治大定府錢
大昕謂中京大定府本奚王牙帳地統和二十五年始築城稱中京不應此時卽有留守當是南京之訛

加尙父七月卒

攷異徐乾學後編作九月

年七十五贈尙書令

攷

時廣州鄧抱朴為刑部郎中簡子由政事舍人歷戶部尙書遷承旨與室昉同修統和實錄二十卷上之兩決南京滯獄人無冤者拜參政以韓德讓薦按察諸道守令雖陟之甚協人望加南院樞密使卒初與其弟抱質受經於母陳氏皆以儒術顯二人均官至侍中時人榮之見本傳刑法志云故事樞密使非國家重務未嘗親決獄訟惟額爾奇木主之及蕭和卓與朴相繼筦樞密專尙吏才始自聽訟時人轉相效習以狡智相高風俗自此衰矣

耶律賢適字阿克展

原作何古真

裕悅羅卜科

原作魯子

攷異續通考云賢適元祖後不知世次

嗜學有大志為烏哲所重嘗謂

人曰是人當國天下幸甚應歷中討烏爾古還擢右

皮室詳袞景宗立以功加檢校太保賜推忠協力功

臣如特進同平章事保甯二年秋拜北院樞密使兼侍中三年爲西北路都部署忠介膚敏推誠待人雖燕息不忘政務屢決滯獄百司罔敢懈大丞相高勳攻異勳底爲南面樞密使未嘗爲丞相本傳字鼎臣平北平王信賴子仕晉官閤門使隨杜重威來降授西方館使好結權貴能服勤大臣多推譽之天祿中爲樞密使總漢軍事應歷中封趙王改南京留守景宗立以定策功進王秦遷南院樞密使以毒藥餽駙馬都尉蕭卓琳事覺流銅州尋謀害蕭思溫詔獄誅之籍其家賜思溫張齊賢洛陽搢紳舊聞記云勳陷北爲幽州節度母在洛陽福善里太祖嘗厚賜慰安之高後欲歸都部署尼哩原作女里席罷放恣及帝姨母保母勢薰灼賢適患之言於帝不報乾亨初疾篤得請封西平郡王致仕卒年五十三子觀音大同節度

使攷異汪輝祖遼史同名錄云卷十聖宗統和十九
年奚六部大王卷六十五公主表世宗女卷七十
一道宗宣懿皇后小
字四人同名觀音

遼史紀事本末卷十六

遼史紀事本末卷十七

馳封資政大夫 特賞內閣中書前江西峽江訓導萍鄉李有棠編纂

劉漢之立

世宗天祿五年春正月漢郭威弒其主贊而自立國

號周

攷異綱目繫之天祿四年辨見世宗事中

河東節度使劉崇

攷異吳

國春秋云

世祖名昞高祖母弟均章懿后出初名崇

改今名

薛史謂崇為高祖從弟王保衡晉陽見聞要

錄作仲弟

今從歐史為人美鬚髯目重瞳子少無賴

嗜酒好博

嘗黥為卒高祖鎮河東署馬步都指揮使

即位除太原尹

北京留守平章事

隱帝時改河東

節度使兼中書令

仍用乾祐年號

攷異吳任臣十國春秋云崇聞隱帝

喜曰吾兒為帝

又何求乃罷兵少尹李驥勸以大兵

下太行控孟津

以俟變崇怒其離間斬之并其妻已

卷一百一十二

遼史紀事本末

卷一百一十二

遼史紀事本末

卷一百一十二

而威代漢降封贊湘陰公崇遣李習求贊歸不許遂
以乾祐四年五月戊寅即位驥真定人善談兵饒技
畧後立祠太原贊等被殺於宋州其將鞏廷美楊溫
守徐州遇害初贊鎮徐州辟洛陽郭忠恕為推官會
郭威遣馮道迎贊至宋州忠恕知事變責道為脫空
漢道無以對忠恕因勸贊殺道奔河東不聽遂及禍
忠恕竄迹山野仕宋為乾州司戶去官縱情山水太
宗召除國子監主簿坐謗訕配登州尸解有佩鐫集
三卷行世字恕先一字國寶善畫所有者并原今太
尤工篆籀見米芾宣和書畫譜
今汾忻府在太原代府東北嵐府今太原憲今靜隆今嵐
州府在太原沁府在太原遼平郡樂麟秦縣石甯州十二
蔚府在太原沁府在太原遼平郡樂麟秦縣石甯州十二
州之地攷異輿地廣記云嵐州本胡地樓煩王居焉
郡唐置東會州改嵐州縣三宜芳合河樓煩憲州由
嵐州分置本樓煩監牧李克用奏置憲州及樓煩縣
今因之以樓煩屬嵐州以嵐州之靜樂來屬縣一靜
樂隆州奇嵐軍唐分宜芳縣置張仁直徙其軍於朔

方留者號岢嵐守捉隸大同軍今復以縣置軍沁州
後魏置隋爲西沼州改隰州後爲龍泉郡唐改隰州
曰大甯郡今縣六隰川溫泉蒲縣大甯石樓永和麟
州漢屬五原西河二郡隋屬銀勝二州唐張說奏置
麟州又爲新秦郡今升建甯軍復爲鎮西軍縣三新
秦銀城連谷石州本趙離石邑秦屬太原郡漢屬西
河郡東漢爲郡治北齊置西汾州後周改石州又爲
離石郡唐爲石州又曰昌化郡今縣三離石平夷方
山餘見上按此十二州與通鑑合而歐史職方攷云
自太原以上北十州爲東漢并無隴蔚二州名蓋石晉
割山前七州山後五州界契丹蔚州實在其中則通
鑑以蔚州爲北漢有者誤也至隴州爲北漢所置備
載地理表今應照歐史列名加隴州以補其缺見
吳任臣十國春秋薛史云周廣順元年二月劉崇遣
劉鈞及白截海率萬騎攻晉州王晏拒却之崇軍傷
死甚衆鈞一作鈞十國春秋作正月云崇以承鈞爲
招討使與副使白從暉都監李存瓌攻晉州不克安
元寶降周移攻隰州爲刺史許遷及孫繼業所敗執
牙將程筠殺之從暉吐谷渾人官行軍都部署
存瓌唐莊宗從弟克甯子官使相史均未載

月辛卯朔崇爲周所攻遣使稱姪乞援且求封冊卽

遣燕王德嘑

原作牒蠟

樞密使高勳冊爲大漢神武皇帝

攷異契丹國志云二月命招討潘聿撚遣劉崇子承

鈞書崇復書求封乞援四月遣使如北漢告以周使

田敏來約歲輸十萬緡崇使鄭琪以厚幣來請行冊

禮從之尋遣學士衛融來謝琪青州人有異才官平

章事融字明遠青州博興人歷官平章仕宋爲司農

卿子偁儔孫齊皆進士及第通鑑云初我主北歸橫

海節度潘聿撚棄鎮隨之官西南招討使至是使遣

承鈞書吳任臣十國春秋云乾祐四年二月漢遣通

事舍人李訥使遼乞援三月至遼約爲父子承鈞爲

刺梅里來聘時以鄭珙趙華同平章事次子承鈞爲

侍衛親軍都指揮使太原尹李存瓌爲代州防禦使

張元徽爲馬步都指揮使陳光裕爲宣徽使元徽武

安人後官武甯節度使云兀欲以自愛黃驪九龍

十二稻玉帶報聘朱昱猗覺寮雜記云玉帶遺漢高祖

道言當用和字五代劉崇以十二稻玉帶遺漢高祖

王保衡晉陽見聞錄云珙達北廷北俗以酒池肉林

王保衡晉陽見聞錄云珙達北廷北俗以酒池肉林

為名雖不飲酒如韋曜輩皆加灌注成疾珙魁岸善飲羅無量之通宴罷載歸一夕腐脇卒與尸復命史

載未秋九月庚申朔世宗自將南侵周次歸化州尙

和原作山被弑羣臣討平亂黨立穆宗而還是歲改

元應歷遣劉承訓告哀於漢冬十一月漢遣使來弔

嗣後信使不絕攻異薛史云七月鎮州奏破河東賊軍於平縣西斬首五百級歐史云十

月漢人攻晉州十一月王峻王彥超拒卻之契丹國

志云九月北漢主自團柏攻周帝引兵會遇害十月

穆宗遣蕭禹厥將奚遼兵五萬會北漢伐周攻晉州

周將王萬敢史彥超何徽拒之周太祖率王峻來救

遼漢兵夜遁吳縝五代史纂誤云歐史謂蕭禹厥出

陰地關攻晉州為王峻敗按峻傳漢周兵至即解

去未交鋒安得云敗也通鑑輯覽云周主親征不果

行禹厥作裕矩吳任臣十國春秋云漢攻晉州久不

克會大雪軍乏食遼兵思歸聞峻至燒營宵遁先是

峻聞晉州南有蒙阮最險要憂漢兵據之嗣知前鋒

已度蒙阮喜曰吾事濟矣及入晉州遣將仇宏超等
迫及於霍邑奮擊漢軍大敗之藥元福請乘此翦撲
峻止之遂解去通鑑云契丹北至晉陽士馬什損三
四時北漢土瘠民貧內供軍國外奉遼幣賦役繁重
民不聊生逃入周境者衆史均未載輿地廣記云晉
州爲堯都所謂平陽也秦漢屬河東郡魏分置平陽
郡劉淵都焉後魏兼置唐州等改晉州隋爲臨汾郡
唐復舊又爲平陽郡升定昌軍後周改建雄軍今縣
川陽又陰地關在靈石縣西南百二十里

穆宗應歷二年夏六月壬寅漢爲周所侵遣使求援

命中臺省右相高模翰及漢兵圍晉州攷異薛史云周廣順二年

二月府州折德展奏破河東軍斬首二千級奪克崙
嵐軍九月契丹寇深冀州遣劉誨何繼筠等拒却之
蕃軍殺冀部丁壯數百去杜延熙敗之於瀛州南斬
首三百級獲馬四十七匹契丹易州刺史石越來奔
歐史云契丹遣楊衮將兵十萬助漢漢主以張元徽
爲先鋒自將三萬騎攻潞州敗李筠將穆令鈞兵於

太平驛圍潞州通鑑謂遇伏被殺繫之顯德元年卽
應歷四年方與紀要謂漢將李存環令鈞作令均吳
任臣十國春秋謂漢主自將兵三萬以白從暉爲都
部署張元徽爲先鋒與遼兵南出團柏屯梁侯驛李
筠遣牙將逆戰於太平驛元徽斬其將穆令均筠遁
歸上黨三月漢兵逼潞州乘勝而南繫之乾祐七年
爲應歷四年遼史將兵者爲政事令敵魯均與歐史
異筠太原人仕唐爲控鶴指揮使入周歷使相太傅
兼侍中契丹國志云六月遼幽州節度使蕭海真詐
降周不納九月攻冀州爲周拒是冬幽境大水流民
入塞者四十餘萬周詔所在賑給中國民被掠得還
者十五六方輿紀要又云高模翰渡胡盧河攻冀州
周兵屯貝州拒是冬漢遣使進葡萄酒攻異吳任臣
之所載各異是冬漢遣使進葡萄酒攻異吳任臣
是歲麟州刺史楊崇訓歸款於周初崇訓父信受命
於周爲刺史及信卒崇訓以州歸漢至是爲羣羌所
圍叛去後復歸於漢歐史繫之
明年正月且崇訓作重訓又異

三年春閏正月壬午朔漢以高模翰郤周軍遣使來

謝三月庚辰朔南唐遣使來貢因附書於漢詔達之

丁酉漢遣使進毬衣及馬夏五月漢遣使言石晉樹

先帝聖德神功碑為周毀請再刻許之攷異契丹國志云正月攻

定州為周將楊宏昭所敗六月張藏英降周綱目宏

昭作宏裕歐史云七月盧臺軍使張藏英來奔日下

舊聞考引悅生隨抄云藏英范陽人唐相嘉貞後唐

末舉族數十口為賊孫居道所害藏英幼後逢居道

於幽州刺之不死為吏執節帥趙德鈞壯而釋之求

出為關南巡檢卒擒殺居道設父母位剖心肝以祭

事聞詔勿問目為報仇張孝子薛史云閏五月定州

奏契丹攻義豐軍拒卻之鎮州奏契丹寇境遣兵追

至無極而還秋八月己未漢遣使來求援九月庚子

漢遣使貢藥冬十一月辛酉葬貞烈皇后於祖陵漢

使來會葬攷異通鑑云九月契丹寇樂壽齊州戌兵右保甯都頭劉漢章殺都監杜延熙謀應

契丹事洩并其黨伏誅紀未載吳任臣十國春秋云
乾祐六年十二月喬贊侵周府州為折德展敗按乾
祐六年即遼應歷三年也史未書府州兵敗事王溥
五代會要云六月河南北諸州旬日無烏既而聚澤
潞山谷中集於林木壓樹枝折至顯德元年
年崇為周所敗伏屍血流故先萌其兆

四年春正月周主威殂子晉王柴榮嗣立邢州龍岡

威聖穆后兄威無子養為子曾鞏隆平集云柴翁者

獨居司冥事一日笑不止妻問故不答醉以酒乃曰

帝命郭郎為天子按翁即守禮父史佚其名東都事

畧云時世宗尹開封曹翰勸入侍太祖疾翰總府事

及即位歷州鎮蘇轍龍川別志云柴后魏安成人父

日柴三禮本唐莊宗嬪御莊宗歿遣歸至河上父母

迂之止逆旅見一丈夫冒雨來異之問主人曰此馬

蹄卒吏郭雀兒后取橐中裝分半與父母自取其半

遂成婚即周太祖也周祖有女轉徙至葛驛嫁張永

德與周祖遇挈之軍中周祖入汴親戚盡誅唯永德

夫婦免遂

二月丙午朔周遣兵攻漢命政事令耶律

極富貴

達魯

原作敵祿字陽隱孟父房楚國王後

援之丙辰漢遣使來進茶藥

帝幸南京夏五月乙亥忻代二州叛漢遣南院大王

特烈

原作達烈卷七十七有傳攷異卷七應歷十四年以西南招討使援漢十八年於鵬窠中得牝

犬來獻疑卽此人又卷八十八蕭助達魯討之丁酉

敗周師於忻口

在忻州北五十里

其將符彥卿引兵退六月

癸亥特烈獻所獲

攷異契丹國志云二月遼遣武定

周李筠來拒五月周主自將至晉陽旗幟環城四十

里衮道主因之使屯忻代符彥卿迎戰遼兵退保忻

口彥卿輕進敗還晉陽特烈傳周遣郭從義尙鈞等

拒於忻口特烈擊敗之獲其將史彥超周軍遁歸復

所陷城邑按通鑑作李筠張永德無從義鈞名綱目

云三月世宗與漢主戰於高平親犯矢石宋太祖與

張永德分左右翼奮擊漢大敗張元徽戰死衮遁漢

主奔晉陽李肅長編云永德陽曲人顯德初有方士

私謂永德言宋太祖受命之符者永德在軍中潛意
推奉及卽位寵待優渥蘇轍龍川別志云太宗娶符
后太祖使永德助聘財薛史云高平之戰前夕有大
流星如日行數丈墜於賊營又張元徽作張暉與樞
密使王延嗣同死先是世宗命李彥崇守江猪嶺遇
寇歸路聞敗而退及崇歸果由是嶺坐貶嶺在長子
縣西南陶岳五代史補云初樊愛能何徽敗世宗怒
躍馬入陣衝崇軍崇驚遂大敗凱還至潞州新愛能
等初崇見周兵少請以本軍戰契丹畏周軍不救而
敗王鞏聞見近錄云初斬敗將七十二卽坐中如數
補之左右股栗及再戰不用命者太祖刃其笠識之
戰罷皆斬軍聲大振遂圍太原歐史云國城久不克
聞史彥超戰死班師倉卒之際亡失甚多憂憤不食
者數日初高平之敗漢主乘契丹所贈黃驢帥百餘
騎由鵝窠嶺遁歸後爲黃驢治廐飾以金銀食以三
品料號自將軍又云四月漢董希顏以金銀食以三
漢超以遼州附取嵐憲石沁州附吳縝五代史纂誤云
忻州附五月鄭處謙以代州附吳縝五代史纂誤云
七漢世家謂桑珪殺處謙以代州附吳縝五代史纂誤云
云周初遣王彥超出陰地關攻汾州符彥卿自磁州

固鎮出漢軍後漢主至高平陳於高原與周軍遇中
軍陳於巴公原爲周兵敗高平縣巴公原均在澤州
北里道記云固鎮至遼州三百一十里吳任臣十國
春秋云時周主新立謂漢幸喪宜自將羣臣勸不可
輕動周主曰以吾兵之強如泰山壓卵耳遂行遇於
高平之高原帝以中軍陳於巴公原張元徽居東偏
楊衮居西偏衮謂周師勅敵勿輕動帝言時不可失
衮怒而去及戰元徽擊右軍兵始交周將樊愛能何
徽先遁右軍潰周主怒躍馬入陳直衝牙帳帝方張
樂飲酒示閑暇及奄至殊驚惶周主親犯矢石趙匡
允馬仁瑀馬全義張永德等摧鋒陷陳元徽馬蹟被
殺遂大敗是役也衮蓄怒按兵不戰故全軍返北屯
代州帝遣王得中送衮歸求救於遼遼遣得中歸報
許發兵救晉陽周遣符彥卿等將兵發潞州韓通自
陰地關來會四月王彥超陷石州執刺史史安彥進
州刺史韓光愿嵐州刺史郭言泌州刺史李廷誨舉
城降五月遼遣達烈來援周主至太原鄭處謙以代
州降衮遁歸遼主囚之撻烈敗彥卿於忻口處謙爲
桑珪誣其通遼殺之史彥超戰死周主因久雨遂歸
盡棄所得州縣惟桑珪據代州不下攻拔之王得中

上黨人官樞密直學士自遼秋七月乙酉漢民有爲

歸被執爲周殺所載較詳

環軍誤掠者遣使來請詔悉歸之九月丙申漢爲周

所侵遣使來告冬十一月彰國節度使蕭廸里原作

致異陳浩遼史攷證云卷六應歷二年林牙謀亂就

獲三年太保又郎君九年王子卷十七聖宗太平八

年南院大王爲上京留守卷十九興宗重熙十二年

同知析津府事十三年北樞副爲右伊勒希巴十八

年漢人行宮都部署爲左伊勒希巴卷二十五道宗

大安四年伊實大王知西北招討事卷二十六十九天祚

保大三年軍將後雅里時爲樞密卷六十六皇族表

太祖系雅爾噶子南府宰相聖宗系烏格四世孫卷

八十八傳聖宗時中京留守卷九十四耶律世良傳

族弟卷九十六傳道宗時塔布城節度卷一百十三

蕭翰傳別名卷一百十八人同名敵烈太保許從贊奏

傳族弟旗鼓伊喇十八人同名敵烈太保許從贊奏

忻代二州捷

五年春二月庚申漢遣使來上尊號不許夏四月己

酉周侵漢漢遣使求援

攷異王溥五代會要云顯德二年三月命許州節度使王

彥超等築壘於李晏口與蕃兵數千騎戰於高平縣

南敗之紀未載薛史云三月建李晏口爲定安軍距

冀州百里北距深州三十里夾胡盧河爲壘先是貝

冀之地密邇戎疆馳突無阻帝按圖定策築壘戍守

頗扼要害敵騎不敢涉河邊境始得耕牧今爲李晏

鎮有二一在景州東北爲東鎮一在深州南爲西鎮

以遼降將張秋九月庚辰漢主有疾遣使來告冬十

藏英守之

一月乙未朔漢主崇弒子承鈞遣使來告且求嗣立

遣使弔祭遂冊立之

攷異崇卒於顯德元年卽應歷四年通鑑考異徵據各書甚詳

契丹國志亦繫於四年冬云承鈞上書稱男遼謂之

兒皇帝史載在五年疑誤吳縝五代史纂誤云歐史

十國年譜顯德元年卽漢乾祐七年注云承鈞立卽

戰於高平之歲而東漢世家謂崇自高平敗後被圍

以夢得疾明年十一月卒所載互異蓋世家誤有明
年二字也按薛史周世宗紀及僭偽列傳王舉大定
錄宋庠紀年通譜王溥周世宗實錄皆言崇死於顯
德二年乙卯十一月均誤惟王保衡晉陽見聞要錄
云卒於甲寅冬與年譜合周密齊東野語劉道原子
義仲嘗摘歐公五代史訛謬為糾繆一書示東坡而
王明清揮塵錄云蜀人吳縝初登第請於文忠願預
官歸公不許因撰糾繆豈別為一書耶吳任臣十國
春秋云王保衡仕漢官中書舍人直翰林院乃漢舊
臣言當足信又云承鈞好學工書始行三年喪禮遼
遣劉承訓來冊命更名鈞時年二十九仍稱乾祐七
年不改元所載較詳崇葬交城北山山在交城北百
五里十二月辛巳漢遣使來議軍事

六年夏六月甲子漢遣使來議軍事

七年夏五月辛卯漢遣使來貢攷異薛史云顯德四
年十月漢麟州刺史

楊重訓以城降周授防禦使契丹國志云十一月遼
遣侍中崔勳將兵會漢將李存環南侵潞州至城下

而還贈勳甚厚吳任臣十國春秋重訓之降潞州之役均繫之天魯元年即應歷八年又崔勳作高勳所載各判

八年夏四月甲寅南京留守蕭思溫攻下沿邊州縣

遣人勞之致異思溫傳字伊庫尙燕國公主在軍握

遣思溫躡其後憚暑不敢進拔緣邊數城而還小字

英格舊作寅古父華默哩舊作忽沒哩公主爲太宗

長女名羅卜科原作呂不古次女綽哈原作朝瑰嫁

宰相蕭哈里薛史云四月澶州節度使張永德準詔

赴北邊以契五月周陷束城縣六月辛未思溫請益

丹犯境故也

兵乞駕幸燕攻異思溫傳周侵馮母鎮勢甚張請益

遼軍退渡滹沱而屯思溫勒兵徐行周師退乃還師

方輿紀要云顯德五年周成郭榮攻拔束城縣

在河間府東北六十里思溫傳作東城疑誤薛史云

七月邢州留後陳思讓奏破河東軍千人於西山

斬首五百級史未載冬十一月辛酉周復來侵漢遣使來告乙

丑使再至十二月庚辰又至攷異吳任臣十國春秋云漢改乾祐十年為天

會元年正月大赦以子繼恩為太原尹衛融同平章

事段常為樞密使蔚進掌親軍潛結江南西川為外

援五月遣使貢方物於遼七月初立七廟於高祖舊

第號顯聖宮十二月唐使陳處堯自契丹來遊太原

厚禮之留數日北還段常一作段恒避宋諱改劉恕

十國紀年陳處堯作段處常官兵部郎中王保衡晉

陽見聞錄作處堯云如契丹乞兵因來遊蔚進官

侍衛都指揮使忤郭無為出知代州紀載各異

九年春正月戊辰帝駐蹕潢河夏四月丙戌周來侵

戊戌以南京留守蕭思溫為兵馬都總管擊之周拔

益津瓦橋淤口三關五月乙巳朔陷瀛莫二州癸亥

如南京辛未周兵退攷異思溫傳周主與諸將傳元

卿李崇進等分道進圍瀛州陷

遼史紀事本末

卷十七

九

三關迫固安思溫不知計所出將士請戰不許俄陷
易瀛莫州邊民遁入西山思溫表請親征會周主病
歸乃還綱目云四月周師至益津終廷輝以城降至
瓦橋姚內斌以城降莫州刺史劉楚信瀛州刺史高
彥暉皆舉城降進拔易州斬刺史李欽獻關南悉平
還趣幽州冊府元龜劉楚信薛史云四月幸
涪州駐蹕乾甯軍刺史王洪以城降丁酉御龍舟順
流至益津復舍舟登陸抵瓦橋凡得州三縣十七張
藏英破契丹於瓦橋關北下固安縣李重進出土門
入河東界敗其軍於百井斬首二千級孫行友拔易
州擒刺史李存欽來獻斬之司馬光涑水紀聞云時
藏英從征契丹自請往說瓦橋關降之內斌盧龍人
降後爲汝州刺史方輿紀要云乾甯軍卽蘆臺軍在
滄州西北九十里爲戍守重地輿地廣記云五代置
乾甯軍入契丹因復取之通鑑云韓通奏自滄州治
水道入契丹境柵於乾甯軍開游口三十六遂通瀛
莫戎主遣使者日馳七百里詣晉陽命北漢主發兵
捷周邊聞上南歸乃罷兵拔三關及莫州在四月降
瀛州在五月退兵在王子李存欽作李在欽莫州唐
置初爲鄭州後以鄭鄭文相類改爲莫州縣一任邱

漢莫縣地在河間府北七十里吳任臣十國春秋云
天會二年正月周將楊廷璋敗漢兵於隰州城下刺
史孫議暴卒廷璋檄李謙溥權知州事漢兵攻城敗
退按天會二年卽應歷九年也而以思溫之敗關南
之失百井之役世宗之殂均書作天會三年與史差
一年耳陶岳五代史補云世宗至瓦橋登高阜父老
謂是病龍臺遂馳歸先是夢神遺大傘道經一卷得
天下至是夢中神索還自知不祥時謂天子姓柴燕
者煙火柴入火不利安得成功卒如其言魏麟傳謂
麟善卜穆宗問之答如此葉夢得避暑錄話云楊文
公談苑載世宗嘗爲小詩示寶儼儼言今四方僭僞
主皆能爲之若求工則廢務不工則爲所窺世宗遂
不復作度所作詩必不佳故云爾然非世宗英偉識
大略豈得不忤又安肯棄去信爲天下者在此不在
彼也六月戊寅復容城縣庚申改異六月係乙亥朔不
西幸如懷州攷異薛史云六月潞州李筠攻下遼州
堡砦十三所都部署韓令坤敗契丹於霸州北吳任
臣十國春秋云六月周李筠攻石會關拔六寨李謙

溥克孝義三遣使如遼告急國中大雪國人唱曰生
怕赤真人來一夜春人以爲宋受命之應張丕旦
作張丕史是月周主榮殂滋德殿陶岳謂馳歸是夜
均未載翌日病亟回未及關而崩亦俗說耳王鞏隨
卽不豫云世宗銷銅像未鑄錢真定像以高大免及北
手雜錄云破擊之中佛乳未幾癰發乳間殂楊文公談
苑謂以斧破腦後病疽發胸志亦云李燾長編謂太祖因重
釋教魯應龍閑牕括異志亦云李燾長編謂太祖因重
自胸鑿破之後疽發胸間稍異潘永因宋稗類以斧鑿
樞密王朴因元象大異夜與世宗微行止五丈河旁
見一燈熒熒然近則漸大至隔岸如火如車輪中一小
兒引手相指朴泣請世宗拜之而沒朴尋卒世宗伐
幽燕道殂至明年宋受命大物小兒蓋國朝火德之
兆子宗訓立後諡恭帝子秋七月發南京軍戍范陽
也子宗訓立後諡恭帝子秋七月發南京軍戍范陽
攷異曹學佺名勝志云范水在州西南水北曰陽古
范陽郡名以此許亢宗奉使行程錄云近城有涿河
劉李河合范河東南入海故曰范陽樂史太平寰宇
記云督亢陂在范陽縣東南十里劉向別錄謂督亢

燕膏映之地孫暢之畫述曰燕太子丹使荆卿齎督
亢地圖入秦卽此郡國志引徐野云方城縣有督亢
阪契丹國志云秋九月遣其舅使唐周荆罕儒使盜
殺之於清風驛罕儒冀州信都人官兵馬鈐轄鄭州
防禦使見長編馬令南唐書云保大二年七月契丹
使其舅來聘初昇元中宋齊邱選宮嬪雜以珠貝錦
綺泛海北通契丹約復中原戎使至則厚幣遣還迨
至淮北輒使人刺之遣使報聘戎意晉殺其使數犯
中華至是館於清風驛夜譙更衣盜斬其首契丹自
是不至蓋中原間之也龍衮江南野史云周世宗初
征淮南詔書曰結連并寇與我爲仇勾誘契丹至今
未已皆齊邱始謀也或謂戎母青媛乃江南之嬪罕
儒刺客名田英實三千緡吳任臣十國春秋元宗紀
云先是昇元中宋齊邱謀間晉會契丹使燕人高霸
來聘歸至淮北陰遣人刺殺之而匿霸之子乾於濠
州至是周亦殺遼使以間之契丹遂不至齊邱傳同
字子嵩世爲廬陵人官太師中書令平章事封青陽
公縊死按遼使被殺南唐書繫之保大十二年周
爲顯德元年在遼爲應歷四年國志作應歷九年未
知孰是遼史應歷五年七年南唐三遣使來貢遼未

與絕也陸游南唐書云保大十三年周侵淮南元宗命段處常如契丹求援陳利害甚辨契丹本無出師意留不遣處常屢面諍我主優容之尋病卒十四年元宗復遣間使求援於契丹至淮北為周執復命陳處堯至契丹乞師竟不返通鑑胡三省注云自徐溫執吳政屢泛海使契丹至唐烈祖中主皆然史多未載

冬十二月戊寅還上京

攷異吳任臣十國春秋云是冬遼人謀會兵攻周鎮

定二州史未載

十年春正月周殷前都點檢趙匡胤

涿郡人父宏廢

其主而自立國號宋

攷異東都事畧云時河東與契丹連兵寇鎮定周命太祖北征

俄聞太祖卽位驚曰中國有英主矣遂遁去史未載蘇轍龍川別志云時韓通以親衛戰闕下敗死太祖釋甲詣政事堂范質見太祖首陳禪代議薛史云世宗北征凡供軍之物皆令自京遞送內得一木長二三尺其上封題曰點檢做觀者莫測至是乃驗彭百川太平治迹統類云世宗於文書囊中得木長三尺

餘題曰點檢作天子時陽曲張承德為是官命太祖
代之又夢從世宗游池上授以印時都下謠言將以
出兵日冊點檢為天子內庭不知潘永因宋稗類鈔
云太祖征李筠以太宗為大內都點檢都民驚曰點
檢作天子矣更為一天子
地耶此又人口木簡也

夏五月壬子漢以潞州

歸附來告六月庚申

攷異歷象志朔考是月係己復已朔不應有庚申日史恐誤

以宋兵圍石州來告遣大同節度使阿拉

攷異汪輝原作阿刺

祖遼史同名錄云卷九十九北院樞密使陳王傳蕭阿拉卷一百蕭酬幹傳祖採訪使三人同名阿刺率

四部往援詔蕭思溫以三部兵助之秋七月己亥朔

宋兵取石州潞州復歸宋漢使來告

攷異宋史太祖紀六月永安節

度使折德展破北漢沙谷砦若昭義節度使李繼勳焚平遙縣十月晉州鈐轄荆罕儒襲北漢汾州死之吳任臣十國春秋云時郝貴超鎮汾州潛出師襲其營罕儒戰死宋斬其部將不用命者二十餘人李燾長

編云侵汾州還次京土原爲郝貴超擒手殺數十人
乃遇害北漢主欲生致罕儒聞其死戮殺罕儒者事
聞帝痛悼以其子守
動爲西京武德副使

十一年冬十二月乙未

攻異畢沅續通鑑云昭義帥

斬百餘級獲遼州刺史傅廷彥弟勳以獻吳任臣十
國春秋云執傳廷彥及弟勳時漢結代北諸部侵麟
州夏州李彝興遣李彝王會諸鎮兵來禦乃引還李
燾長編云繼勳以質直稱性儉嗇酷信釋氏與太祖
有軍中之舊故特承寵遇卒贈
中書令封隲西郡王諡莊武

十二年夏四月戊申

攻異畢沅續通鑑云北漢攻麟
州防禦使楊重勳擊走之路振

九國志云北漢主以僧繼邕知國政繼邕游華嚴見
地有寶氣於團柏谷置銀場募民開採號寶興軍吳
在臣十國春秋云天會六年二月漢兵侵晉潞二州
爲宋將所敗四月太原民潛逃降宋者四百七十人
七月捉生指揮使路貴等十一人降宋並補內殿直
又繼邕作繼顯鴻臚卿李燾長編云重勳卽承訓也

通周恭帝諱改焉繼禹係劉守光子削髮爲浮圖居
五臺山多智計能講華嚴經四方供施多積蓄以佐
國用五臺當契丹界繼禹常刷其馬以獻號添都馬
歲率數百匹置銀冶主取其銀貢契丹歲千斤累官
太師中書令卒封定王陶穀清異錄云繼顒住五臺
手執鐵如意紫檀鑲成芳馨滿室名曰握君樂史太
平實字記云五台山在代州五台縣東北一百四十
里華嚴經大疏清涼山卽此釋道世法苑珠林云山
方三百里巉巖崇峻不生草木五峰聳出如壘土之
塋故曰五台詳高士奇扈從西巡日錄所載甚詳

十三年春正月丙寅宋城益津關命南京留守高勳
統軍使崔延勳以兵擾之二月庚寅漢遣使來告欲

巡邊徵乞張聲援秋七月辛亥朔漢以宋侵來告冬

十月丙辰復以宋侵來告

攷異畢沅續通鑑云八月

丁亥王全斌郭進曹彬等

攻北漢樂平縣降其將王超等北漢將蔚進郝貴超

悉蕃漢將來救三戰皆敗之下樂平建爲平晉軍一

通史紀事本末

卷十七

作樂平軍丙申北漢靜樂等十八縣首領來降九月
北漢主引契丹攻平晉軍郭進等往救師退宋史太
祖紀十八縣作十八砦路振九國志云郝貴超被擒
按貴超明年復戰遼州謂被擒者誤方輿紀要云平
晉軍在太原縣東北二十里北漢復侵安國軍節度
羅彥環等追敗之於靜陽鎮安國軍卽今順德府李
肅長編云乾德元年七月北漢殿直王隱劉詔趙喜
等謀叛誅辭連樞密段常出爲汾州刺史縊殺之用
寵姬薛氏譖也死非其罪國人憐之以平章趙宏
樞密使郭無爲同平章事與宏不協出宏刺汾州無
爲兼樞密軍國之務一以委焉宏徙嵐州按宏卽文
度國史有傳無爲傳稱文度與無爲不協旣出知汾
州段常乃被殺國史亦同然崇建國鄭珙趙華爲相
非文度也出知汾州亦不在段常被殺之前國史及
九國志皆誤事在天會五年四月而五代史及九國志又
以常被殺在天會五年七月亦誤也今並從劉恕十
國紀年又吳任臣十國春秋云漢天會七年十二月
遼主貽書來責帝遣繼文謝曰父爲子隱願赦之自
是遼使不至而使往輒見留羣
臣皆以使北爲懼史均未載

十四年春正月戊戌漢以宋將來襲馳告二月壬子命西南招討使特烈進兵援之王申漢以敗宋兵於

石州來告夏四月丁巳遣使來謝攷異李燾長編云

義帥李繼勳與鈐轄康延沼軍頭尹勳等帥步騎萬餘攻遼州北漢郝貴超赴援戰城下大敗刺史杜彥

韜與指揮冀進都監侯美及部兵三千舉城降北漢

等引契丹六萬衆入侵繼勳與曹彬等六萬兵破走

之即遣慕容延忠奏捷未言宋石州兵敗事劉筠并

不載遼兵來援事明年三月晉州言羅侯松谷兩寨

指揮張貴等七百人來歸畢沅續通鑑云正月繼勳

攻遼州杜延韜降遼遣耶律達里六萬騎赴援敗繼

勳兵於石州達里用兵賞罰信得士卒心河東單弱

不見吞併者達里有馬先官南院大王烏珍爲北

漢羅州團練使周審玉等來降按達里即特烈原作

提烈輯覽作塔魯字尼嚕古六院郎君尼古察後官

終政事令彭百川太平治述統類云并人引遼衆六

遼史記事本末

卷十七

古

萬來援繼勦與羅彥瓊武懷節擊敗之於遼州城下
又寇平晉軍郭進與曹彬赴援未至遁吳任臣十國
春秋云彬等攻遼石二州漢郝貴超
赴援敗績於遼州城下與長編畧同

十六年秋八月丁酉漢遣使貢金幣鎧甲冬十月庚

辰漢主有母喪遣使賻弔十二月戊辰漢遣使來貢

攷異畢沅續通鑑云二月安國節度使羅彥瓊等敗
北漢兵於靜陽擒其將盧英十二月北漢復取遼州
宋史太祖紀盧英作鹿英李燾長編復取遼州作北
漢都虞候劉繼欽云據九國志及十國紀年他書皆
無之然乾德二年取遼州不見新除守將或再失之
至乾德六年三月始書以齊州團練使李守節知遼
州史未載是
歲攻取事

十七年春二月甲子高勦奏宋將城益津關請以偏

師援之詔從之

十八年秋七月辛丑漢主承鈞殂

攷異畢沅續通鑑云諡為孝和皇帝

廟號睿宗按五代史及宋史均不書其廟號惟吳任

臣十國春秋書之宋史太祖紀開寶元年正月北漢

指揮任恩等以偏城砦降七月胡遇等以潁州砦降

李燾長編任恩作任守恩云四月晉州言北漢軍校

翟洪貴等二百餘人來降七月鎮州言北漢烏王寨

主胡遇百三十九人來降上嘗因北漢謀者謂其主

曰吾與周世仇宜不屈今我與爾無所間何為因此

一方人若有志中國則下太行決勝負主復曰河東

土地甲兵不足當中國十一區區守此蓋懼漢氏不

血食也上哀其言故終孝和世不復北伐劉恕十國

紀年作使邢州人蓋留說北漢主云十國春秋承鈞

殂作天會十二年七月戊申史作七月辛丑云三月

宋鎮州守將破馬子繼元立遣使來告使人弔祭

鞍山砦所載各異子繼元立遣使來告使人弔祭

宋史北漢世家鈞殂繼恩立郭無為弒之立繼元不

書繼恩者蓋崇在時凡事稟命於遼歲使不絕鈞禮

文多畧遼主貽書責以三罪自是遼使不來漢使往

輒見留至繼元復通好據事直書致漏繼恩耳契丹

國志云繼恩爲承鈞養子立六十餘日被害畢沅續
通鑑云供奉官侯霸榮以刃堪胸殺之無爲入殺霸
榮後亦謀叛欲降宋爲閩人衛德貴所告伏誅薛應
旂通鑑云漢世祖女適薛釗生繼恩再適何氏生繼
元均幼孤世祖命鈞養爲子李肅長編云繼恩瞠腹
多髯長上短下乘馬魁梧徒步卽侏儒昏定晨省無
違禮霸榮邢州人乘馬魁梧徒步卽侏儒昏定晨省無
間漢世祖用爲指揮戍樂平王全斌來攻霸榮率所
部降之補內殿直尋奔漢爲供奉官謀殺繼恩持其
首歸朝無爲殺之或謂無爲實使之殺之以滅口故
人無知者又載違責書畧曰爾先父窮來歸我我先
兄天授皇帝待以骨肉泊余繼統兼修前好爾父卽
世我用命爾卽位柩前丹青之約我無所負爾父據
有并汾七年祇稱乾祐爾不遵先志輒肆更張爲李
筠舉兵曾不我告誣害段常謀及妻子婦言是用非
爾而誰我務敦大義曲容瑕垢父子之道所不忍渝
爾宜率德改行無自貽伊戚也吳任臣十國春秋云
繼恩爲太原尹選軟不治孝和嘗語郭無爲繼恩殊
非濟世才及被弑朝臣議所立未決平章張昭敏獨
言立主無踰繼文者無爲恐發其姦謀卒立繼元繼

元疑孝和郭后殺其故后段氏遣嬖臣范超縊殺之
并滅劉氏子孫無遺類按世祖子十人除湘陰公孝
和最帝見於史籍者曰鎬曰錡曰錡曰錡曰錡曰錡
最賢行英武帝用羣小譖均幽死錯隨被殺錡以
佯愚獲免錡或作鏡或謂冬十月辛亥朔宋圍太原
錡與鏡爲二人所載各異

詔特烈爲兵馬都總管發諸道兵救之

攻異契丹國志云宋侵漢

乞援於遼遣將拒圍柏谷宋李繼勳何繼筠等擊破
之於銅鍋河宋史作銅溫河一作洞溫河出平定州赤

作洞溫河宋史作銅溫河一作洞溫河出平定州赤
陽縣西流至太原縣南入汾水亦曰同過水魏書地

埋志四水合道曰同過吳任臣十國春秋云時漢將
爲劉繼業馬峯兵敗繼筠等斬首三千級遂奪汾河

橋進薄太原城焚延夏門載於九月遼來救及攻晉
絳載於十一月畢沅續通鑑云斬首二千級擒其將

張環石斌薄太原郭守斌出戰又敗丁未在勝軍使
李環來降方與紀要銅鍋河之捷繫之宋乾德四年

爲遼應歷十六年與諸書均異釋文瑩湘山野錄云
時宋收晉水侵河東晉危使殿直程再榮求援問宣

宣

遼史紀事本末

卷十七

三

徽使王白白深於術數謂晉必無患因叩他日白曰
後十年晉破破即掃地矣後果驗又言契丹後當扶
困再犯中原飲馬黃河而近迫太宗征漁陽及曹彬
伐燕不利遼報役王師失勢於河間遼乘勝直抵黃
河而返如白
言年八十卒

十九年春三月

景宗於是月
改元保甯

甲寅漢主繼元遣使來

求封冊辛酉遣韓知範

攷異李燾長
編作韓知璠

往冊爲皇帝甲

子漢遣使進白麋

攷異畢沅續通鑑云二月乙卯命
曹彬等先赴太原戊午詔親征李

繼勳爲前軍都部署時北漢劉繼業馮進珂屯團柏
谷聞陳廷山降宋奔還晉陽主怒罷其兵柄繼勳等
遂圍城遼使韓知範至夜開門納之明日置宴郭無
爲哭欲自到曰奈何以孤城抗百萬師乎蓋欲搖衆
心也無爲青州千乘人初隱太原抱犢山吳任臣十
國春秋云字無不爲方類烏喙好學善談辨嘗衣褐
爲道士居武當山郭威討河中詣軍門上謁不納歸
隱抱犢山以段常薦愿平章初宋使諜者惠璘詐稱

殿前入境使負罪來奔無為知其謀署為供奉官及
宋初入境使負罪來奔無為知其謀署為供奉官及
為鞠之釋不問有李超者發璘姦狀上聞無為怒并
超斬之以滅口按國史本紀及陳廷山傳言廷山以
佐聖指揮使領所部來降事迹殊畧今參取路振九
國志然劉繼業傳乃云廷山遇太祖被擒又本紀廷
山來降繫於三月戊寅之後甲申之前時車駕尙留
潞州也今不取九月國志又云王師正月圍城恐亦大
早劉恕十國紀年作二月為
是見長編小注所載各異

己巳帝如懷州遇害

廟號穆宗世宗第二子賢立是為景宗
攷異契丹國志云時承會

同餘威中原多事藩鎮爭強北漢南唐使車狎至饋
遺絡繹釋穆宗政昏兵弱不能悉應因之驕侈縱酒嗜
殺以及於禍畢沉續通鑑云帝次潞州凡十八日抵
太原始築長堤壅汾水遂決晉祠水灌城四月分兵
東南命築長堤壅汾水遂決晉祠水灌城四月分兵
圍汾州命何繼筠屯陽曲大敗遼兵擒其武州刺史
王彥符斬首千餘級帝以所俘示城中人氣奪方輿
紀要云陽曲故城在太原西北五十里隋嘗改為陽
急也記其本末

直隸卽木井城也時繼筠敗遼兵於石嶺關李燾長
編云時有欲縱兵攻城者左神武統軍陳承昭進曰
陛下自數千萬兵在左右胡不用之上未悟因以馬
策指汾水上大笑因使承昭董其役後師退北漢主
斬樞副段熙虞候馮超坐不救水也決城下水注之
臺臨澤蔡條鐵圍山叢談云遼使後見水退而城始
大圯乃笑曰南朝知塞水灌城之利不知灌而決之
則無太原矣歐史謂係韓知璠言王海云開寶二年
三月車駕圍太原契丹兩道來援一攻石嶺關一由
定州并人恃之何繼筠屯陽曲驛以精騎數千扼石
嶺上曰翼日亭午俟捷至御北臺以俟見一騎自北
來乃繼筠子承睿獻捷生擒刺史王彥符等二人上
命示城下并人奪氣彰德節度韓重贊大破敵於常
山北捷至上大悅孔守正傳契丹南大王沙相公來
援守正與戰敗之斬萬餘級獲排陣使王破夏五月
得上壯之召令從駕史均未載宋遼戰事

壬寅漢遣李匡弼劉繼文李元素來賀
攷異李燾長編云四月北

漢麟州刺史結齊羅都監嘉且舍鄂以城來降命結
齊羅爲汾州團練使嘉且舍鄂爲石州刺史五月幸

城東南命水軍攻城橫州團練使王廷乂袁州刺史
石漢卿均中流矢死悉贈官畢沅續通鑑云是月遼
分兵侵定州韓重贊破之於嘉山命攻城遣偏師圍
嵐州降之會暑雨多病聞烏珍率援兵至引還主籍
所棄軍儲得粟三十萬茶絹共數萬喪敗之餘得此
少濟契丹國志繫之次年誤又云六月遼色珍率兵
屯太原劉繼業請襲取之籍馬數萬因獻地歸中國
主不從比還贈遺甚厚史未載方輿紀要云嘉山在
定州曲陽縣東北五十里曰嘉禾山高士奇扈從西
錄云唐縣東北十五里有嘉禾山相傳堯母慶都故
亦名望都元王憚秋澗集有曲陽道中詩云軟紅
沙路柳條風雪擁陽坡見融細繞嘉山三面過唐
河東北望堯封嘉山在定州西曲陽與唐縣接壤唐
書地理志云曲陽關口有三八度倒馬委栗皆極險
要今惟倒馬仍存舊名或云八度關在唐縣西北界
水曲折有八度也按李漢超傳嘉山之戰其子守恩
亦在事有功太祖召見賜予甚厚時副重贊者爲初
廷乂薛應旂通鑑云嵐州刺史爲趙文度以城降宋
度初名宏漁陽人官平章事出知汾州徙嵐州歸宋
爲安國節度歷三鎮善詩有觀光集子昌圖問門祇

候見十國春秋長編又云時太常博士李光贊疏請
班師從之徙太原民萬餘家於山東河南發卒護送
屯鎮潞等州用絳人薛光化策光化一化光化薛奎
父言宜於太原北石嶺上及河北西界山東靜陽封
樂平鎮黃澤關百井社各建城寨扼契丹援兵起其
部民於京西給閒田耕種絕其供饋如此不數年可
平定上嘉納歐陽修誌奎墓云父
化光以策干太宗不見用蓋誤也

景宗保甯二年

自太宗不見用蓋誤也
云春正月韓知範

勳亦云乃歸漢使十六人仍命劉繼文爲保義節度
使李弼爲樞密使歸秉國政左右皆毀之出繼文刺
代州弼刺憲州遼詔切責主恐謝過然卒未召還通
鑑輯覽作漢使三十六人李燾長編載遼詔曰朕以
汝國連喪二主僻處一隅期於再安必資共治繼文
汝之令弟李弼汝之舊臣一則有同氣之親一則有
耆年之故遂行並命俾效純誠庶幾輯甯保成歡好
而席未遑暖身已棄捐將順之心於我何有史均未

載冬十二月庚午漢遣使來貢

三年夏六月丙子漢遣使問起居自是繼月而至冬

十月癸未漢遣使來貢

四年春二月癸亥漢以皇子隆緒生遣使來賀

改異景宗

紀皇子生於三年冬十二月至是始來賀李燾長編云十二月乾甯軍言北漢民二千二百八十四戶來歸畢沅續通鑑云是年正月北漢攻宋方山雅爾兩寨擊却之史未載

五年春正月甲子漢遣使來貢夏六月丙申漢遣人

以宋事來告冬十二月戊戌漢將改元遣使稟命

改異

畢沅續通鑑云五代史記作孝和沒於天會十二年

英武帝嗣位改元廣運契丹國志同據史稱五年漢

將改元遣使稟命則改元當在六年也吳任臣十國

春秋引劉繼容碑末署廣運元年歲次甲戌李憚千

佛樓碑亦署廣運二年歲次乙亥時漢主嗣位已七

年矣李燾長編繫改元事於開寶七年為遼保甯六

年云天會十八年始改廣運或云十三年卽改蓋悞
今從通鑑考異以劉繼顯神道碑爲正惟長編作六
年冬杪十國春秋作六年正月稍異繼顯碑文爲楊
夢申所撰官右諫議大夫惲撰天龍寺千佛樓碑銘
詳見十國春秋其詞曰帝宅之西五里而遠羣山遠
谷延紫擁北自軋坎南距申西蒼崖峭壁恠石靈
泉薜蘿蔭乳竇以夏寒聚桂嚮晴賜而冬綠澗溜清
泚白激輕音蔓草芄茸本無毒螫洞穴窈窕煙閤
虧隔雲間雞犬之聲度嶺樵蘇之徑大哉氣通斗
極崆峒帶多武之鄉地劃參墟野樂深思之俗況
乎刑政之經不素霸王之器具存紀都邑卽天下之
浩穰養士馬卽域中之精勇往者北齊啟國後魏興
之寡未臻偃仰之良游各營避暑之宮用憩鳴鑾之
駕亦猶秦之阿房晉之虎祁楚之章華漢之未央上
其摧構往往存焉年曆寢遙率多改作蓋以翼翼都
會豪右富民因舊圖新增制惟錯於是乎金人塔廟
老氏宮觀星布於巖石矣懿哉坤維之上舍之區
羣木陰翳奇峰峭土有平址東西僅五十步北倚
石壁有彌勒閣內設石像侍立對峙容溫其鑄

磨代不能及昔睿宗皇帝再加添飾功用宛然

次東有池水甚潔凝碧之恐聳國人儼其

宇下約三百步有高寺榜曰天龍故易義云夫

龍者潛齡之運居九重之尊此自舞象執經齒胄學

優於庠序則負對日之辨似不能言稱象之智果

詢行符典則負對日之辨似不能言稱象之智果

而勿伐肅肅然煌煌然偉量知幾深不可測立德在

間平之右承家繼文武之基自非道濟艱危孝安宗

社孰能與於此乎天會中睿宗皇帝以道

冲躬親官次寡辭敏德務簡刑清吏不敢欺府無留

事嘗以公退休暇與叔季諸王方駕接軫禮謁精藍

一歲之中像一堂其內幡花鬘蓋供飭之用靡不嚴潔於茲日

新旬具齋禱罔不軋軋惕惕潛發明誠所志者延鴻

祥於邦家弭戕氛於區宇因心愛敬不忘斯須

甚焉學倫歸美攸是區公府特恩加檢校太保授

大將軍充大內都點檢貞幹服勤中外嚴

整宣威敬事勤叶聖謨及帝踐阼加太師行太原尹

宣慰使司副使悉稱公台等領侍衛親軍事未幾值倉卒

之變震駭非常上獨執雄斷入刁以難時戊辰秋九月
月嗣昇宸極立定傾危赫然大祐終古自潔
念恒切版依每屆良辰必親行幸至壬申歲十二月
二十日詔有司於大殿後正造重樓五間洵遣
良治鑄賢刼自拘留孫如來以降鐵佛千尊
容光相圓明等無差別如是勻分龕室各安上級時
詔宣徽北院使永清軍節度使檢校太保范超自始
監修應期成就基砌柱礎廣檻飛甍丹采相
巍乎窗扉下瞰于雲端棟宇勃興於地表金爐曉炷
惟聞薦薦之香玉罄晨鳴不假蓮花之漏議者曰樹
超世之果圖不朽之功必依禱之功駕騁瑤池徒縱
祿豈比夫望祭御宇之八年乙亥歲天贊皇帝義
盤游之樂者哉上御宇之八年乙亥歲天贊皇帝義
敦天性禮叶彝章泊春來夏初果飛詔示必以備物
典冊將加徽號鴻名君親之恩敬修迎受之禮
至夏六月兼頒龍衣御帶駟馬珮鞍別賜神旗鼓吹
英武皇帝兼心悅隨羣后稱慶寶函金簡揚命舜命
殊異衆心悅隨羣后稱慶寶函金簡揚命舜命
禹之書馭朽持盈盡爲子爲臣之敬禮之大者帝載
無窮先是英武皇帝以今歲攝提建月

昇寒氣將退嚴整儀衛親率公卿駕蒼虬之駉駉

衣赭袍之昭昭雲韶寅導

屈初禪之境臣幸陪天仗親奉德音既成

潛思秘說所冀龍華會上待謹作銘云覺皇遞興大教

垂世成位有期環空相繼大哉賢劫千佛重光六度

萬行軌躅相望浩劫迢遙一念可攝勿謂難逢聲塵

相接惟彼陶唐士列參墟莓苔沃野煌煌帝居天啟

亨會神輪瑞圖英武之難后來其蘇一人有作撫寧

邦域治民事天允釐庶績金像玉樓伊帝之力

代史表與劉道原說及二碑皆符而陳桎績編薛應

旌甲子會紀均云繼元初立即改元均誤宋史太祖

紀是年六月隰州巡檢使李

謙溥欽北漢七若史未載

七年春二月癸亥漢雁門節度使劉繼文來朝貢方

物改契丹國志是年起即書為乾亨元年吳任臣

十國春秋六月冊漢主為英武皇帝賜御衣玉帶

三

一

三

鞍馬等物薛應旂通鑑云時北漢主性殘忍凡臣有忤意者必族其家大將張崇訓鄭進衛傳故相張昭敏樞密高仲義宗室繼欽先後均以讒見殺又遼遣人以通好於宋戒北漢毋妄侵掠主勦哭謀攻遼馬峯諒而止李燾長編云郭無為建議漸斥去公族命繼恩弟繼忠守忻州自稱嘗使契丹得冷痼疾定襄地寒願留養晉陽不許繼忠出怨語繼殺之引進使李隱惜衛傳忠勇被誣憤惋見殺宋史太祖紀三月知潞州藥繼能拔北漢鴈澗堡史均水載

八年秋八月癸卯漢遣使言天清節設無遮會飯僧祝釐己酉漢以宋事來告九月壬午漢爲宋所侵遣

使求援命南府宰相耶律沙

字安隱其先嘗相約尼氏

冀王迫里

原作敵烈攷異畢沅續通鑑赴之攷異李燾長編云作塔爾字巴爾斯濟太宗子時郭進出忻代俘北漢山後諸州民三萬七千餘口馬繼恩出遼州焚北漢四十餘寨獲牛羊人口數千齊超言沁州路敗

北漢軍五百人獲三十人李光叡破北漢保寨斬首
七百餘人宋主侯遇獲牛羊鎧甲數千計薛應旂通
鑑云宋會黨進等分五道攻太原兩敗其兵於城北
分攻諸州所向克捷宋史太祖紀晉州以北漢嵐石
憲巡檢使王洪武等來獻三月馬繼恩入河東戊子
界焚四十保砦穆彥璋俘二千餘人所載各異戊子
漢以宋師壓境遣駙馬都尉盧俊來告冬十月辛丑
漢以遼師退宋軍來謝十二月丁未漢以宋軍復至
掠其糧儲來告且乞賜糧爲助是冬宋太祖崩太
宗卽位

九年春三月癸亥耶律沙迪里獻宋俘戊辰詔以粟

二十萬斛助漢

攷異畢沅續通鑑云遼主使烏珍塔爾分治南北院善課農田年穀屢稔

故能經費有餘恤北漢之匱北漢賴之吳任臣十國春秋作三十萬斛按與烏珍治南北院者史作特烈

遼史紀事本末

卷十七

三

作塔爾異即達里此等賜以戰馬是歲漢三遣使以宋事告

乾亨元年乾異契丹國志以是年為乾春正月乙酉

遣塔瑪瑪原作捷馬又作達瑪拉美云遼扈從官長壽使宋

問興師伐漢之故長壽還言河東逆命所當問罪若

北朝不援和好如故不然則戰二月宋帝自將伐漢

致異畢沉續通鑑云帝次涇州臨河主簿宋捷道旁

獻封事帝見其姓名喜曰我師捷矣即拜將作監丞

袁文襄文襄闕問評議其以姓名竊爵祿而談苑以為北

兵入遼太宗次大名時事吳任臣十國春秋云宋始

議興兵宰相薛居正等多以為不可曹彬曰以國家
兵甲之強剪太原如摧枯拉朽耳帝意乃決先是太
祖征河東白雲先生陳搏諫止之會軍已興丁卯漢
及還果無功至是搏復來始云河東可取
使來乞援詔南府宰相耶律沙冀王迪里等率兵援

之命南院大王色珍

原作斜軫

以所部從樞密副使穆濟

原作只督其軍三月丙戌漢遣使謝撫諭軍民己丑漢

復告宋兵入境遣千牛衛大將軍韓侂大同節度使

善補

攷異畢沅續通鑑作善布

以本路兵南援丁酉耶律沙與宋

將郭進

深州博野人

等戰於白馬嶺不利冀王迪里等皆

死之士卒死傷甚衆

攷異李燾長編云三月駐兵鎮州命郢州刺史尹勳攻隆州都

監齊廷琛廷美攻孟縣降之陽曲寨民三百八十八人歸附郭進破西龍門寨擒獲千計命六宅使侯繼

隆王貴攻沁州王俱攻汾州尹憲攻嵐州時郭進既破契丹於石嶺關北漢援絕復以蠟書告急為進得

徇於城下城中氣始奪史業破北漢鷹揚軍斬獲甚衆北漢潛師扼我軍掠供軍芻粟米信擊敗之殺指

揮裴正克隆州先登者為袁繼忠許均上次側口頓作聞捷奏平隆州詩東都事畧云折御卿破岢嵐軍

遼史紀事本末

卷十七

三

擒折令圖以獻下嵐州殺其憲州刺史霍翊擒其將
馬延忠遷崇儀使薛應旂通鑑云御卿官行營都監
時威勝軍使解暉攻隆州破之燬之四月宋史太宗
紀克隆州獲招討李詢等六人霍翊作郭翊又獲夔
州節度馬延忠節度蔚進夏五月己卯宋師至河東
盧遂以汾州降所載各異
漢兵與戰不利攷異畢沅續通鑑云宋攻城急漢宣
殺超妻子梟其首投於城外指揮郭萬超來奔范超
以弒孝和后為英武帝所嬖累官太保永清節度監
修干佛樓鏤像範容帝復稱其能至是謀降宋被戮
詳吳任臣十國春秋李燾長編云超時與閬人衛德
貴分掌機務平章
李憚備員而已
劉繼文盧俊來奔六月劉繼元降
宋漢亡攷異東都事畧作五月五日契丹國志作四
城壅汾河灌城五月四日城穿南壤水入注夾城中
繼元大恐自督眾負土塞之畢沅續通鑑云壬午帝
幸城南謂諸將曰翼日重午當食於城中遂自草詔
賜之夜漏上一刻城上有蒼白雲如人狀及攻城急

左傳射馬峰昇見漢主流涕備言興亡之理夜漏上
十刻乃遣客省使李勣上表納欵帝命薛文寶入城
撫諭甲申繼元率平章李憚請罪封彭城郡公授憚
等官凡得州十軍一縣四十四命劉保勛知太原府
憚字孟深陽武人乾祐初第四進士與王溥李昉同登
第國亡相見追叙舊好官至司農卿子存誠駕部員
外郎存信閤門祇候商輅續綱目薛應旂通鑑俱誤
作李憚馬峯太原人歷樞副左僕射致仕其女爲英
武帝繼后歸宋轉太府卿分司西京卒年八十餘耶
律沙傳沙將趨太原會漢駟馬都尉盧俊來奔言太
原已陷遂勒兵還方輿紀要云宋太平太原凡城邑宮
闕盡令毀壞陸游老學菴筆記云太原平降爲并州
廢舊城徙州於榆次今太原則又非榆次乃三交城
也城在舊城西北三百里爲形勝之地本名故軍嘗
爲唐明鎮有晉文公廟以其盛後三年潘美奏乞爲并
州從之於是徙文公廟以其故址爲州治又徙陽曲
縣於三交而榆次復爲縣吳任臣十國春秋云宋凡
得州十軍一縣四十一戶十三萬五千有奇改太原
爲平晉縣宋帝作平晉詩命從臣和焉又令撰平北
漢碑文太原前臨臺駘澤後倚懸甕山堅而難拔命

毀舊城以榆次縣爲并州命康仁保護劉氏親屬百
餘人赴汴賜甲第一區世祖自乾祐四年稱帝歷四
主二十九年而亡玉海云太原平直史館宋白從征
因獻平晉頌東都事畧云宋尋以房州爲保康軍授
繼元節度卒遺書以六歲子三猪爲託名守節後爲
西京作坊使遷諸衛將軍王存元豐九域志云太原
府縣九建隆四年以晉陽府爲平晉軍興國四年廢
軍爲縣省太原縣入榆次改廣陽縣爲平定并樂平
爲平定軍以太原縣隸大通監寶元二年交城縣復
隸府嘉祐四年復爲太原府河東節度熙甯三年省
平晉縣入曲陽所載各異甲子封劉繼文爲彭城郡王盧俊同平
章事攷異李燾長編云北漢主初出繼文刺代州終
今從史東都事畧云繼元降其弟繼文據代州依契
丹援拒命郭守文討平之與史異守文字國華太原
人十國春秋云俊至遼署平章事明年景宗以第四
女淑哥下嫁復拜駙馬都尉出爲興國節度卒官

遼史紀事本末卷十七

遼史紀事本末卷十八

勳封資政大夫 特賞內閣中書前江西峽江訓導萍鄉李有宗編纂

穆宗之暴

世宗天祿五年秋九月癸亥泰甯王察克原作察割等作

亂世宗遇害逆黨尋伏誅丁卯壽安王卽位是爲穆

宗改元應歷攷異李燾長編作明當是後周避諱宋史臣因之耳小字舒嚕原作

述律又作兀律攷異續綱目作烏嚕一作烏里太宗長子母曰靖安蕭后

穆宗應歷二年春正月壬戌太尉和爾郭勒濟原作忽古

質一作胡古只橫帳孟父房楚國謀逆誅攷異冊府元龜云周

王揚珠子見皇族表疑係一人廣順二年四月定州言契丹羽林部署辛霸卿等二十三人馬三匹并車牛來奔史未載夏六月

蕭海貞志弁謂詐降周不納冊府元龜作禪得舍利

云永興王妻弟也按穆宗朝為政事令者蕭眉古得

外尚有耶律婁國即隆科耶律敵祿耶律壽追蕭排

押為北府宰相者則蕭海琛均見沈炳震廿一史四

譜宣政殿學士李澣唐時為校書郎集賢校理晉天

福中為右拾遺翰林學士吏部員外禮部郎中知制

誥遷中書舍人歸遼歷翰林學士宋史及通志藝文畧續通

著有丁年集十卷行世見宋史及通志藝文畧續通

考云遼南面有宣政殿學士李澣嘗為之觀書殿學

士壽隆中王鼎嘗為之昭文館直學士楊遵勗子晦

嘗為之崇文館大學士韓延徽嘗為之乾文閣學士

王觀嘗為之謀南奔事覺詔暴其罪默赫特尋伏誅

所載甚詳杖澣而釋之攷異綱目云勤政殿學士李澣與海真

書言和戰利害不果從冊府元龜云海真時為幽州

節度與澣相善言及中國深慕之會定州謀者田重

霸至潛與密謀辭因致書定帥周太祖聞之卽令重
與濤書云今王驕驍唯好擊鞠耽於酒色內寵無四
方之志親密貴臣尙懷異志或討或和宜速爲計將
來必不爲河東也本傳歸至涿爲遷者所獲下獄屢
求死不得禁錮凡六年卒用高勳薦加禮部尙書宣
政殿學士通鑑云濤爲唐李回族曾孫長興四年冬
秦王從榮之亂與江文蔚等勒歸田里陶岳五代史
補云濤初娶竇尙書女成婚之夕竇氏出參濤兄濤
濤望塵下拜作歇後語曰慙無竇建繆作梁山錢鏐
絕倒又云濤有逸才性嗜酒酣使代筆經宿成凡萬
碑多市美酒召濤飲酒酣使代筆經宿成凡萬
字詞理典膳皆歎伏陳繼儒古詩話云濤及第與
座主和凝同任學士會凝作相濤爲承旨適當批詔
次日於玉堂輒開和相舊閣悉取圖書器玩去留詩
云座主登庸歸鳳閣門生批詔立鼇頭玉堂舊閣多
珍玩可作西齋潤筆不人皆笑其疏縱蘇易簡續翰
林志云濤以詞藻特麗俊秀不羣後值石晉不造陷
於北庭亦神鋒大峻
之過也紀載各異
秋七月乙亥政事令隆科婁國

攻異聖宗紀統和元林牙迪里原作侍中神圖神都
年司徒婁國另一人攻異陳浩遠史攷證云穆宗應
郎君哈里原作海里獸人被殺二十七年賽人被殺十
八年監囚被殺卷八景宗保甯二年以殺蕭思溫被
誅又六年以告喜隱事投隴州防禦卷十六聖宗開
泰七年天雲軍詳袞戰死卷二十興宗重熙十九年
六院軍將卷二十七天祚乾統二年謀叛卷六十一
刑法志應歷十二年蕭延之奴卷六十五公主表尙
聖宗女伊木沁卷七屬國表統和元年女直宰相
卷七十三傳約尼常袞卷八十四傳上人京留守漆水
郡王卷八十七蕭孝先傳小字十五人同名海里
謀亂就戮命乳媪兄赫魯原作世爲阿克蘇阿速錫
林原作額爾奇木廣順二年夷南堇攷異冊府元龜云周
彥鎮都將盧曉文招收軍使王希瓊等八人來奔十一
月契丹界闕南都船務使王希乾甯軍使孫章而下
二十四人來奔十二月契丹殿頭王進龍武羽
林軍校及通事舍人胡延等六人來奔史未載

三年冬十月己酉太師唐古特原作唐治大行皇太

后園陵魯呼原作李胡子完原作宛郎君札幹原作稽幹迪里原作

敵謀反事覺辭連太平王雅斯哈原作畢沅續通鑑云世

烈時詔與晉王往復以昆弟禮至是見王耽酒林牙

嗜殺陰懷異志王不悟委以國政所載較詳

華格原作華割郎君錫倫原作新羅等皆執之華格札幹等未

幾誅釋完及雅斯哈攷異冊府元龜云周廣順三年

王遇軍將張超等十九人來奔二月鎮州言部送契

丹來奔銀院使張知訓等七人三月契丹羽林軍士

十五人來奔四月契丹乾甯軍使張韜等三十八人

羽林軍將王興等十五人來奔五月深州送契丹來

奔建院官李緒等十七人指揮使李重筠等十人爲

儀節四十人至京師六月契丹瀛州戎軍陶洞文等

十二人及巡檢指揮使葛知長雲州牙將崔崇等十

九人招收軍使李彥暉二十一一人來奔是月定州送

遼史紀事本末卷十八三

奚契丹來奔繡院使邢福順等十三人并順州刺史戴原等至闕七月契丹羽林軍士楊士澤等十三人歸直楊晏得等二十五人來奔八月定州部送契丹指揮使黨富達等二十九人至京師九月雲州吐渾使馬廷嗣等來奔史均未載游幸表六月障鷹於網山獵於狝羊山七月障鷹於網鹿峪紀亦未書

四年冬十二月辛酉朔

攷異次年正月辛未朔則謁是月不應辛酉朔史恐誤

祖陵駐蹕杏塢

攷異游幸表二月獵於郭里山七月障鷹於白羊山紀未載

五年夏四月癸丑命郎君蕭哈里

原作世爲北府宰

相

本傳字伊德森貌魁偉膂力過人屢尙公王應歷中命世預北宰相選總知軍國事時諸王多坐反

逆每被命案獄多得其情人無冤者由是知名年五十卒攷異續通考云太宗天顯二年十二月詔選遙

輦氏九帳子弟可任官者應歷十二年十二月命北樞密蕭護斯世預宰相選辭曰臣子孫賢否未可知

得一客省使足矣從之景宗保甯時耶律思溫為北
樞密北府宰相仍命世預其選聖宗統和元年九月
太后言于越星質有輔導功命其子泮決為林牙九
年七月詔有沒於王事者錄其子孫時耶律諸里獲
宋將康保威命世預節度選宰相韓德讓世預大醫
選子孫入官者眾興宗重熙中詔世選官擇有才能
者用之道宗咸雍中耶律那也以父幹死王事九歲
加諸衛小將軍為題里司徒太康三年二月詔北樞
密乙辛同母兄大奴同母弟阿思世預北南樞密選
異母諸弟世預夷離堇選此遼一代任子之可考者
按蕭呼敦傳曾祖達魯明醫阿附韓德讓得世預大
醫選非德讓也續通考誤游幸表九月獵於西山紀
書未

七年夏四月戊午朔還上京女巫錫庫攷異畢沅續通鑑作蕭袞

有罪誅初錫庫上延年藥方當用男子膽和之不數

年殺人甚多至是覺其妄射殺之攷異游幸表六年九月擊鞠十月與

羣臣水上擊髀石爲戲七年六月射柳七月復射柳
十二月書獵於赤山及伊喇山紀均失書而紀於七年
十月書獵於七
應山表又未載

九年夏四月丙戌周來侵戊戌命南京留守蕭思溫

帥師禦之周取益津瓦橋淤口三關及瀛莫諸州

契丹國志云時主好獵荒政每夜酣飲達旦方寢日

中而起國人謂之睡王體氣卑弱惡見婦人委任閣

宦瀛莫之失幽州急遷至主曰三關本漢地今以還

漢河失之有其不恤國事如此又周於瓦橋關建爲

雄州割容城歸義二縣隸之益津關建爲霸州割文

安大城二縣隸之皆遼地也文獻通考云雄州控扼

幽薊本唐涿州五橋在易水東當九河之末周世宗

以來西河之地置三關霸州益津關雄州瓦橋關瀛

州高陽關分置重兵與真定相犄角有拒馬河在歸

義縣清類天文分野之書文安漢縣屬渤海郡東漢

置瀛州以縣屬唐屬莫州周屬霸州宋省永清入文

安等復故樂史太平寰宇記云大城本漢東平舒縣

屬渤海郡西北去霸州九十五里周隸霸州瓦橋亦
呼瓦子濟橋又破鹵軍古淤口關周收關南於此置
寨王存元豐九域志云信安軍本古淤口關輿地廣
記云周取淤口駒置寨屬霸州程大昌演繁露云周
世宗由滄州北順水而行先降益津關次瓦橋關次
瀛州續通考云周始置霸州遼為益津郡隸河北東
路宋升永清軍方輿紀要云益津唐縣今霸州治唐
為永清縣地高陽關在縣東三父口社亦曰草橋關
為三關之一而高陽尤要朱彝尊曰下舊聞云永清
縣名唐初改武隆又改會昌天寶中更今名縣南三
里有金鵲廟祀關侯草中有遼大安中所立石幢見
上林彙考蔣一葵長安客話云霸州在宋世置榷場
與遼分界處州北一里有界河相傳楊延朗建草橋
於此因名霸城延朗所築號北方重鎮沿城有七十
餘井號護城井宋史地理志有劉家渦刁魚莫金口
阿翁雁頭黎陽喜渦鹿角八砦莫金相傳二姓所居
同置莫金口冬十二月庚辰王子迪里敵烈前宣徽
寨所載較詳

使哈斯

海原作

等謀反囚之

王實魯庶子與冀王迪里

謀反死獄中蕭托果傳應歷初始入侍會迪里哈斯
等謀反托果與耶律阿里密告於上上嘉其忠詔尚
朴謹公主保甯初為南京統軍使按公主表無朴謹
疑朴謹公主非皇女也又皇族表冀王迪里太宗系
而皇子表尙載太平王雅斯哈天德必舒續通考同
表未載游幸表八年七月獵於赤山九年五月獵於
鹿嶋南林六月獵於白鷹山七月獵於鳳凰門下八
月射鹿於近山迄於九月十二月獵於黑山紀均未
載惟於八年七月書獵於伊喇山迄於九月射鹿諸
山不視朝游幸表又失書

十年秋七月辛酉政事令耶律壽遠太保綽卜鄂博

原作楚等謀反伏誅八月幸懷州庚午以鎮茵石狻

猊擊殺近侍古格原作古哥冬十月魯呼子喜隱謀反攷

畢沅續通鑑作趙王喜隱云薛應旂通鑑趙王作宋
王據遼史先封趙王應歷中未嘗改封至保甯中乃

封宋王耳又謀反誤繫於十二月徐乾學後編復仍其舊今改正辭連魯呼下獄死

釋喜隱潭獵於青濟達井五月射獵於圖伯特泉如裏

月次三石嶺呼鹿射之十二

月獵於天梯山紀均未載

十一年春二月辛亥司徒烏崙濟

原作烏里只攷異卷八景宗保甯元

年右皮室詳袞烏里只另一

誣告其父謀反復詐乘

傳及殺行人以其父請杖而釋之

攷異畢沅續通鑑云二月無辛亥蓋

史脫三月字宜從徐

夏五月乙亥司天王白李正等

進

攷異畢沅續通鑑云先是晉天福中司天監馬重績奏上乙未元歷號調元歷及太宗入汴收

百司伎術愿象遷於中京遼始有愿白等所進蓋調

元愿也白蘇州人晉司天少監太宗入汴得之官節

度使撰百中歌行世按百中歌當卽卜筮書也星家

亦有百中經連江陳氏書目直魯古針炙脉訣書一

卷江休復嘉祐雜志云己亥歷日十一月大盡契丹
歷此月小十二月十四夜方當月蝕戎使言竊謂爲
已望按己亥宋之咸平二年遼之統和十七年時未
通使也後乙亥宋宣和元年遼之天慶九年此時金
伐遼使命阻絕此己亥應作乙亥宋仁宗景祐二年
葉夢得石林燕語云蘇頌元豐中使遼會冬至遼歷
先一日起使者入賀其實遼人精歷學遼會冬至遼歷
然勢不可從頌乃汎論歷學援據精博彼莫能測遂
折服歸奏帝大喜問二歷孰是蘇以實言太史皆坐
罰金元祐初遂命頌重修渾儀張邦基墨莊漫錄云
熙寧十年頌使遼賀生辰遇冬至本朝歷先遼一日
北人問孰是頌曰歷算遲速不同如亥時節氣當交
則猶是今夕若踰數刻即屬子時爲明日矣故或先
或後有一日之異然各從本朝之歷可也遂各以其
日爲節焉吳曾能改齋漫錄云元豐元年歲在戊午
閏正月時知定州薛向繳大遼所印歷日稱閏月乃
在太康三年十二月先一年與本朝不同乞送司天
監重訂議者以兩朝賀正之禮爲疑而臺章以正朔
爲大賀正爲小本朝之使後期而賀正於此料彼必
期而賀正於彼彼國之使後期而賀正於此料彼必

不肯改以就此則本朝豈可改
以就彼乎遂不改史均未載
鑑云先是南京留守蕭思溫以老人星見乞行赦省
許之草赦既成留數月不出翰林學士劉景日唐制
赦書日行五百里今稽期弗發非也不報至是月始
赦續通考云老人星見復見於應歷十三年二月乙
巳十五午五月又聖宗統和元年十一月十月癸未三年七
月丙寅史凡五月見又云是年十一月十二月歲星犯月聖宗
統和八年五月月掩天駟第一星太白犯歲星所載甚
歲星相犯道宗大安二年二月太白犯歲星所載甚
詳

十二年春二月己丑朔以御史大夫蕭和斯原作爲

北院樞密使賜對衣鞍馬攷異畢沅續通鑑云時遼

斯窮治得旨遷官命世預宰相選辭許之主嗜酒用

刑多濫護斯居要地未嘗匡救議者少之所載較詳

夏五月庚午以旱命左右以水相沃頃之果雨攷異
刑法

志云十二年國舅帳郎君蕭延之奴哈里強凌伊喇圖哩年未及之女以法無文加之宮刑仍付圖哩爲奴因著爲令紀未載

十三年春正月自丁巳晝夜酣飲者九日癸酉殺獸

人哈里

原作海里

三月癸丑朔殺鹿人默勒濟

原作彌里吉攷異刑

法志重熙時郡王特布家奴彌里吉另一人

梟其首以示掌鹿者夏六月

癸未近侍傷獐射殺之殺獐人哈瑪爾

原作霞馬

秋八月

甲申以生日縱五坊鷹鵠九月庚戌朔以青牛白馬

祭天地飲於野次終夕乃罷已而復然冬十一月庚

午獵飲於虞人之家凡四日十二月戊子射野鹿庚

寅射獵人克酬

原作曷主攷異汪輝祖遼史同名錄云卷十一聖宗統和四年小校卷十

八興宗重熙六年右祗候郎君詳袞三人同名曷王
游幸表十一年三月射鹿於約蘇嶺六月射鹿於赤
山復射柳十二年二月獵於蘇隱山六月射鹿於赤
於玉山十三年正月丁卯夜觀燈三月獵多獲雁鴨
還宮飲至終夜自是晝出夜飲迄於月終五月射柳
六月獵於玉山九月登高以南唐所貢菊花酒賜羣
臣是秋射鹿於黑山伊喇山十二月獵於三嶺紀均
未載惟於十一年四月書射鹿不視朝十二年書秋
如黑山赤山射鹿八月書幸近山呼鹿射
之旬有七日而後返而游幸表又失書

十四年春二月戊辰支解鹿人摩多哈里
原作沒等
答海里

七人於野封土識其地夏五月射舐齟鹿於白鷹山

至於浹旬
攷異國語解云鹿性嗜鹹酒齟於地以誘
鹿射之又哨鹿之法遼史已有之其法每

歲於白露後三日獵者衣鹿皮戴鹿頭天未明潛伏
草中吹木筒作聲牡鹿聞之以爲求其偶也遂踴躍

出出則利鏃加焉無得脫者冬十月丙辰以掌鹿舒

遼史紀事本末
見查慎行人海記所載較詳
卷十八
八

蘇原作矧思攷異卷八景宗保代幹里攷異陳浩遼

甯六年矧思使宋另一人二十興宗重熙時南剋卷六十五公王表史攷證云卷爲札薩克

尚世宗女撒剌姓蕭氏三人同名幹里表轄原作閫撒紇攷異國語解云賜金帶金盞銀二百

兩所隸以下得專之十一月壬午日南至宴飲達旦

自是晝寢夜飲殺近侍轄魯原作於禁中表攷異游幸

五月獵於玉山射卧鹿於白嶺山六月射表祗祗鹿於

格德衆呼鹿射之十二月殺樞密蕭和斯弟紀均未

載惟於三月書如老林東樂六月射鹿於玉山竟月

忘返八月如磴子嶺呼鹿射之而游幸表又失書

十五年春二月東幸甲寅以獲鳴除鷹坊刺面腰斬

之刑復其徭役按國中復除之法始見於此攷異續

州流民四月朔州流民給復三年十二年正月霸州

民李在宥年百三十有三賜粟帛錦袍銀帶月給羊

酒仍復其家開泰元年十月前遼州錄事張廷美六
世同居儀坤州劉興允四世同居各給復三年道宗
大安十年十二月三河縣民孫賓三月癸酉近侍棟
及其妻皆百歲復其家所載甚詳

爾東原作進匕箸不時手刃刺之癸巳虞人色勒迪原作

沙刺偵鵝失期加炮烙鐵梳之刑而死冬十二月甲

辰以近侍喜格原作喜哥私歸殺其妻攷異刑法志時帝

事五坊羣獸近侍奉膳掌酒人等或亡失傷斃及召

不時至及飲食細故或因犯者遷怒無辜輒加炮烙

鐵梳之刑甚至無算或以手刃刈之斬繫射鏢斷手

足爛肩股折腰脛劃口碎齒棄尸於野且命築封於

其地死者至百有餘人京師置百尺牢以處繫囚季

年暴虐益甚故及於難所載較詳附錄王正燕山雲
居寺碑云雲居寺東一里有高峰峰之上十餘步有
九室室之內有經四百二十萬言本日靜琬始厥謀
歷道暹諸公成其事佛宇經厨僧坊鐘閣材唯杞梓
砌則琳珉古檜星羅流水環繞口隄相望門闢洞開

風俗以四月八日共慶佛生凡水之濱山之口不遠
百里預饋供糧號為義食先是庚午年寺主謙諷和
尚為門徒時僕自皇后臺被褐來遊論難數宵以道
相得自茲一別僕以職倅於濂掌記於武定廉察於
奉聖陟在憲臺遷在諫署佐茲邦計迄今十五年復
會於茲寺和尚建庫堂一座五間六架煥廳一座五
間五架轉輪佛殿一座五間六架煥廳一座五間五
架又化助前燕王侍中蘭陵公建講堂一座五間七
架又十三間四架次蓋後門屋一座餘有捨短從長
經廊房八間四架次蓋後門屋一座餘有捨短從長
加朱施粉周而復始不可殫論乙丑歲天順皇帝御
宇之十五載丞相秦王統燕之四年泰階平格澤明
八風草偃四海鏡清和尚慶此得時懇求作記僕以
謙諷等同德經營協力倡和給一千人之社合一千
人之心春不妨耕秋不廢穫立其信導其教無貧富
後先無貴賤老幼施有定例納有常期貯於庫司補
茲寺缺寺不壞於平地經不墜於東峯稍首靈巖載
銘貞石鹽鐵判官朝儀郎行右補闕賜緋魚袋王正
述前鄉貢進士鄭熙書沙門智光重修雲居寺記云
應恩十四載寺主謙諷完葺一寺結邑千人請右補

閼瑯琊王公正作碑頃因兵火遂至傷闕補闕子諸
行宮都部署判官都官員外郎賜紫金魚袋教念先
人遺跡出俸錢再修以釋智光乃考之執友也改命
刊述勒之時昭聖皇帝御極二十三年統和乙巳歲
八月丁酉朔十一日丁亥記按王正碑
文已入文苑傳補見厲鶚遼史拾遺

十六年春正月丁卯朔被酒不受賀甲申微行市中

賜酒家銀絹乙酉殺近侍白海及家僕善福原作雅

爾曷原作押樞密使門吏隆科原作塔瑪舒嚕原作馬

失魯原作秋七月壬午諭有司凡行幸之所必高立標識

令民勿犯違以死論攷異刑法志云是年諭有司自

禁行者比聞綽呼輩故低置其標深草中利人誤入

是九月己未殺狼人紐幹哩原作裏里攷異汪輝祖

遼史記事本末卷十八
十

清甯九年宿衛官卷九十四華格傳開泰時都監四

人同名冬十二月甲子幸酒人伯勒格原作拔家復

幸殿前都點檢耶律伊勒哈原作夷獵葛攷異本傳

赫魯子諱宗與為布衣交與謀機密帝景宗紀之夷獵

諫不聽帝被弑時坐守衛不嚴誅又景宗紀之夷獵

百官志之夷刺葛均係一人畢沅續通第宴飲連日

鑑作伊刺哈赫魯作哈魯所載又異

賜予無度左右授官者甚眾是冬駐蹕黑山平淀

十七年夏四月戊辰殺鷹人達魯原作敵魯丙子射柳祈

雨復以水沃羣臣五月辛卯殺鹿人札格原作扎葛六月

己未支解雉人壽格原作壽哥甯古原作念古殺鹿人四十四

人攷異畢沅續通鑑云主駐裏潭好長夜之飲因怒

濫刑醒亦悔之論大臣切諫蕭思溫等畏懦鮮能

匡救諫亦不聽己未支解鹿人壽格念古命盡取其
在繫者六十五人斬四十四人餘悉痛杖之賴王子
必攝等諫得冬十月乙丑殺酒人索紐原作粹十一月
免所載較詳

辛卯殺近侍廷壽壬辰殺豕人阿不禮赫嚕原作曷魯珠

嚕準原作尤訥喀庫原作括壬寅殺鹿人唐古原作唐果

直格原作薩喇十二月辛未手殺鷹人哈里原作

海復嚕之攷異游幸表十五年秋獵於黑山十二月

玉山十七年二月如潢河四月駐蹕裏潭十二月獵於

於碓嘴嶺紀均未載惟於十五年十二月書駐蹕黑

山平淀十六年三月東幸獲鵝獲鴨皆飲達旦九月

獵於黑山赤山至月終是冬駐蹕黑山平淀而游幸

表又失書

十八年春正月己亥觀燈於市以銀百兩市酒命羣

臣亦市酒縱飲三夕二月乙卯幸五坊使錫沙哩原作

震實里家宴飲達旦三月甲申朔如潢河乙酉獲駕鵝

祭天地造大酒器刻爲鹿文名曰鹿甌貯酒以祭天

攷異續通考云遼春獵或鴨子河或延芳淀至時侍衛皆服墨綠色衣各備連錐鷹

於上風望有五七步排列皇帝冠巾衣時服繫玉東帶

舉幟麾之帝親放海東青鵝搏鵝鵝墜恐鵝力不勝

在列者急舉錐刺鵝取其腦飼鵝鵝人例賞銀絹

帝得頭鵝爲廟羣臣獻酒菓舉樂互酬酢致賀語皆

春盡乃還樂志云春飛放杏塢帝射獲頭鵝薦庚戌

殺鵝人呼圖哩原作胡近侍華格原作化葛攷異汪

云卷一大祖六年特里衮卷六十一刑法志穆宗時

太尉卷一百十張孝傑傳聖宗時北樞密四人同名

化及監囚哈里原作海里仍到哈里之尸夏四月癸丑殺

堯人察爾吉原作抄五月丁亥重五以被酒不受賀

政異禮志云重五儀至日臣僚昧爽赴御帳帝繫長

揖臣僚跪受再拜引退從駕至膳所酒三行若賜宴

臨時聽赦又午時採艾葉和綿著衣七事以奉天子

五綵絲為索纏臂日合歡結又以綵絲宛轉為人形

簪之曰長命縷是日為托卜伊能伊原王辰獲鵝於

碩格原作水野飲終夜丁酉與政事令蕭巴雅爾原作

排押攷異卷八十八統和中左南京留守高勳太師

珠克原作太平九年昭古使宋另一人劉承訓等酣飲連

日夜己亥殺鹿人頗德聖宗統和元年北府司徒又

二年南京統軍使卷十一四年郎君卷二十四道宗

太康六年南院大王後遷南樞密使卷七十三傳太

祖同時採訪使六堦克原作陶罕原作等六月丙辰殺

人同名頗德堦克獵哥陶罕原作陶瑰等六月丙辰殺

彘人托諾原作秋九月戊子殺詳袞巴蘭原作伊喇

原作罕都原作痕篤攷異卷七十四人等四人己亥獵

拽刺罕都原作太祖時北府宰相另一人等四人己亥獵

熊以喚鹿人布庫原作并掖庭戶賜伊勒哈甲辰加

政事令復以黑山東穆辰原作之地數十里賜之冬

十二月丁丑殺酒人塔喇噶原作續通鑑云時遼太平王

諸薩噶久預國政遂謀亂以司天魏璘善卜因請卜

僧立之日事覺貶西北邊戍流璘於烏庫部紀未載

見方伎傳惟烏庫作烏爾古異游幸表十八年正月

幸太師農古第宴飲終夜二月如裏潭八月射鹿於

近山三旬始返九月以菊花酒飲從臣獵熊十一月

射鹿於皇威嶺十二月復往射虎紀未載惟於是秋

射鹿於皇威嶺十二月復往射虎紀未載惟於是秋

射鹿於皇威嶺十二月復往射虎紀未載惟於是秋

射鹿於皇威嶺十二月復往射虎紀未載惟於是秋

書獵於西京諸山是冬駐蹕黑山東川而游幸表又失書

十九年春正月甲午與羣臣爲葉格戲攷異錢易南部新書云李

邵爲賀牧與妓人葉茂江行因撰骰子選謂之葉子

咸通以來天下尙之文忠歸田錄云葉子格者唐中

世後有之唐人藏書皆作卷軸其後有葉子其制似

今策子凡文字有備檢用者卷軸難數捲舒故以葉

子寫之如吳彩鸞唐韻李邵彩選之類是也骰子格

本備檢用故亦以葉子寫之因以爲名爾焦竑國史

經籍志云編金葉子格一卷新定編金葉子格一卷

擊蒙小葉子格一卷李後主妃周氏撰小葉子格例一

卷高士奇天祿識餘云唐同昌公主會韋氏族於廣

化里韋氏諸家好爲葉子戲自咸通以來有之卽今

之紙牌其首選加朱采豈古六醉中驟加左右官三

赤編金之遺志耶所載較詳原作末及益刺劉其尸棄之己巳

月癸酉殺前導穆濟伊喇原作末劉其尸棄之己巳

如懷州獵獲熊歡飲方醉馳還行宮是夜近侍霄格

三

原作盟人花哥一作華格庖人錫衮原作辛古一作

溫傳作斯奴等六人反帝遇弒年三十九葬懷陵異

契丹國志云帝醉索食不得欲斬庖人掌膳者恐禍

及因奉食以進挾刃殺之於黑山下地理志云懷州

奉陵軍本唐歸誠州太祖破扶餘城下龍泉府俘其

人築寨居之會同中掠幽薊民亦居此太宗崩葬西

山曰懷陵世宗置州以奉焉是年獵人於祖州界見

太宗乘白馬追白狐射之殪忽不見獲狐與矢是日

崩於城後於其地建廟又於懷州之鳳凰門繪太

宗馳騎貫狐之像穆宗被弒葬懷陵側建鳳凰殿以

祀縣二扶餘顯理又慶州本太保山黑河之地巖谷

險峻穆宗建城號黑河州每歲射虎障鷹於此後在

此遇害州廢聖宗建號慶州縣三元德孝安富人遼

國五代祖巴圖一作勃突貌異常有武畧眾推為王

生於巴圖山因名沒葬於此在州二百里慶雲山本

黑嶺也興宗遵聖宗遺命建永陵有望仙殿御容殿

按懷州在今巴林部西北臨潢西南百里慶州亦在

臨潢西百六十里蒙古名察罕城城中有遼行宮王

士點禁扁云金殿安聖宗神御又大安望仙同天三
殿均在慶州其地有黑山赤山胡嶠陷北記云太宗
葬西山中兩山相去一里而長林豐草珍禽異獸野
卉奇花有屋宇碑石曰陵所也兀欲入祭諸部人惟
執祭器者得入而門闔明日門開曰拋蓋禮畢問
其詳皆秘不言張舜民使遼錄云彼中黑山如中國
之岱宗謂戎人死魄皆歸此山每歲五京進人馬
各萬餘事祭山而焚之其禮甚嚴非祭不敢進山武
珪燕北雜記云冬至日焚白羊白馬白雁出生血和
酒望黑山奠神言契丹死神爲黑山神管係沈括夢
溪筆談云黑山在大幕北今謂之姚家族西南卽慶
州黑水出其下西爲夜來山極高峻契丹墳墓皆在
山東南麓近西有太祖射龍廟在山上龍舌藏廟
中形如劍山西有一族尤勁悍北與黑水胡南與韃
韃接壤慶州有跳兔前足寸許後足幾一尺一躍數
尺止則蹶然仆地爾雅所謂蹶兔亦曰蚤蚤巨驢也
毛奇齡西河詩話云塞北有吐兒山在黑水東北遼
主避暑之地劉仲達鴻書云今契丹及交河北境有
跳兔爪足似鼠長尾端有毛亦曰紅毛兔王寂拙軒
集云慶州北山之麓遼山陵在焉俗稱三殿二十年

前嘗爲盜發所得不貲是所謂厚葬以致寇者歟成
詩曰珠襦適足賈身禍金盃傳聞落世間慙愧漢文
遺治命瓦棺時世宗第二子賢扈從聞變夜率飛龍
深葬蘭陵山

使尼哩

原作女里積慶宮人
歷官太尉政事令

侍中蕭思溫南院樞密

使高勳帥甲士千人馳赴行在定亂遂卽位是爲景
宗改元保甯以殿前都點檢伊勒哈右皮室詳袞烏
勒濟宿衛不嚴斬之至保甯五年冬逆黨霄格等始
就獲伏誅

攷異畢沅續通鑑云主
殺於討賊議者少之

遼史紀事本末卷十八